

«ԱՎԵՐՍ»

ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ

2025թ. դեկտեմբերի 31-ին ավարտված տարվա համար

ԱՆԿԱՆ ԱՌԻԴԻՏՈՐԻ ԵԶՐԱԿԱՑՈՒԹՅԱՆ ՀԵՏ ՄԻԱՄԻՆ

ԲՈՎԱՆԴԱԿՈՒԹՅՈՒՆ

	Էջ
Անկախ աուդիտորի եզրակացություն	3
Ֆինանսական վիճակի մասին հաշվետվություն	6
Շահույթի կամ վնասի և այլ համապարփակ ֆինանսական արդյունքների մասին հաշվետվություն	7
Սեփական կապիտալում փոփոխությունների մասին հաշվետվություն	8
Դրամական միջոցների հոսքերի մասին հաշվետվություն	9
Ֆինանսական հաշվետվություններին կից ծանոթագրություններ	10

ԱՆԿԱԽ ԱՈՒԴԻՏՈՐԻ ԵԶՐԱԿԱՑՈՒԹՅՈՒՆ

«ԱՎԵՐՍ» ՓԲԸ բաժնետերերին

Կարծիք

Մենք աուդիտի ենք ենթարկել «ԱՎԵՐՍ» ՓԲԸ-ի (Ընկերություն) ֆինանսական հաշվետվությունները, որոնք ներառում են ֆինանսական վիճակի մասին հաշվետվությունը՝ 2025թ. դեկտեմբերի 31-ի դրությամբ, ինչպես նաև այդ ամսաթվին ավարտված տարվա շահույթի կամ վնասի և այլ համապարփակ ֆինանսական արդյունքների, սեփական կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ հաշվապահական հաշվառման նշանակալի քաղաքականության ամփոփ նկարագիրը:

Մեր կարծիքով, կից ֆինանսական հաշվետվությունները տալիս են Ընկերության՝ 2025թ. դեկտեմբերի 31-ի դրությամբ ֆինանսական վիճակի և նույն ամսաթվին ավարտված տարվա ֆինանսական արդյունքների ու դրամական հոսքերի ճշմարիտ և իրական պատկերը՝ համաձայն Ֆինանսական հաշվետվությունների միջազգային ստանդարտների (ՖՀՄՍ-ներ):

Կարծիքի հիմք

Մենք աուդիտի անցկացրել ենք աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է այս եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Ընկերությունից՝ համաձայն Հաշվապահների էթիկայի միջազգային ստանդարտների խորհրդի (ՀԷՄՍԽ) կողմից հրապարակված «Պրոֆեսիոնալ հաշվապահների մասնագիտական էթիկայի կանոնագրքի» (Մասնագիտական էթիկայի կանոնագիրք), և պահպանել ենք էթիկայի այլ պահանջները՝ համաձայն ՀԷՄՍԽ կանոնների և Հայաստանի Հանրապետությունում ֆինանսական հաշվետվությունների աուդիտին վերաբերող մասնագիտական էթիկայի պահանջների: Մենք համոզված ենք, որ ձեռք ենք բերել բավարար համապատասխան աուդիտորական ապացույցներ՝ մեր կարծիքն արտահայտելու համար:

Ղեկավարության և կառավարման օղակներում գտնվող անձանց պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՍ-ների համաձայն ֆինանսական հաշվետվությունների պատրաստման և ճշմարիտ ներկայացման և այնպիսի ներքին վերահսկողության համար, որը, ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումն ապահովելու համար:

Ֆինանսական հաշվետվությունները պատրաստելիս ղեկավարությունը պատասխանատու է Ընկերության՝ անընդհատ գործելու հնարավորությունը գնահատելու համար, համապատասխան դեպքերում

անընդհատության հետ կապված հարցերը բացահայտելու և Ընկերության գործունեության անընդհատության ենթադրության հիման վրա հաշվետվությունները պատրաստելու համար, բացառությամբ այն դեպքերի, երբ ղեկավարությունը մտադիր է լուծարել Ընկերությունը, ընդհատել դրա գործունեությունը կամ, երբ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձինք պատասխանատու են Ընկերության ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով գերծ են էական խեղաթյուրումներից, անկախ դրանց՝ խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորի եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ների համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են էական, երբ խելամտորեն կարող է ակնկալվել, որ դրանք առանձին կամ միասին վերցրած կազմեն ֆինանսական հաշվետվությունների օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՄ-ների համաձայն իրականացրած աուդիտի ողջ ընթացքում մենք կիրառում ենք մասնագիտական դատողություն և պահպանում ենք մասնագիտական կասկածամտություն: Բացի այդ, մենք.


- Հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար ու համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին վերահսկողության համակարգի չարաշահում:
- Ձեռք ենք բերում աուդիտին վերաբերող ներքին վերահսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու և ոչ թե Ընկերության ներքին վերահսկողության արդյունավետության վերաբերյալ կարծիք արտահայտելու համար:
- Գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կատարած հաշվապահական հաշվառման գնահատումների և կից բացահայտումների խելամտությունը:
- Եզրահանգումներ ենք կատարում ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ և, հիմնվելով ձեռքբերված աուդիտորական ապացույցների վրա, գնահատում ենք՝ արդյոք առկա է դեպքերի կամ հանգամանքների հետ կապված էական անորոշություն, որը կարող է նշանակալի կասկած հարուցել Ընկերության անընդհատ գործելու կարողության վերաբերյալ: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորի եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե

այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռքբերված աուդիտորական ապացույցների վրա: Սակայն ապագա դեպքերը կամ իրավիճակները կարող են ստիպել Հնկերությանը դադարեցնել անընդհատության հիմունքի կիրառումը:

- Գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Այլ հարցերի հետ մեկտեղ մենք տեղեկացնում ենք կառավարման օղակներում ներգրավված անձանց աուդիտի առաջադրանքի պլանավորված շրջանակների և ժամկետների, ինչպես նաև աուդիտի ընթացքում հայտնաբերված նշանակալի հարցերի մասին, ներառյալ ներքին վերահսկողությանը վերաբերող նշանակալի թերությունները:

«Թրասթ Աուդիտ» ՓԲԸ
տնօրեն Հայկ Մարգարյան



1 հուլիսի 2026թ.
ք. Երևան

Առաջադրանքի պատասխանատու
Լիլիթ Կատոյան

«ԱՎԵՐՍ» ՓԲԸ

Ֆինանսական վիճակի մասին հաշվետվություն

2025թ. դեկտեմբերի 31-ի դրությամբ

Հազար դրամ	Օնթ.	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
ԱԿՏԻՎՆԵՐ			
<i>Ոչ ընթացիկ ակտիվներ</i>			
Հիմնական միջոցներ	5	1,714,490	1,688,722
Ոչ նյութական ակտիվներ		90	91
Կանխավճարներ ոչ ընթացիկ ակտիվներ ձեռք բերելու համար		6,883	12,664
Ընդամենը ոչ ընթացիկ ակտիվներ		1,721,463	1,701,477
<i>Ընթացիկ ակտիվներ</i>			
Պաշարներ	6	2,586,418	5,586,824
Դեբիտորական պարտքեր և կանխավճարներ	7	1,658,601	733,984
Դրամական միջոցներ և դրանց համարժեքներ	8	110,599	102,510
Կանխավճարներ ընթացիկ շահութահարկի գծով		-	48,907
Ընդամենը ընթացիկ ակտիվներ		4,355,618	6,472,225
ԸՆԴԱՄԵՆԸ ԱԿՏԻՎՆԵՐ		6,077,081	8,173,702
ՍԵՓԱԿԱՆ ԿԱՊԻՏԱԼ ԵՎ ՊԱՐՏԱՎՈՐՈՒԹՅՈՒՆՆԵՐ			
<i>Սեփական կապիտալ</i>	9		
Բաժնետիրական կապիտալ		522,610	522,610
Պահուստային հիմնադրամ		60,130	60,130
Վերագնահատման պահուստ		862,241	862,241
Լրացուցիչ կապիտալ		230,668	204,978
Կուտակված վնաս		(365,495)	(337,464)
Ընդամենը սեփական կապիտալ		1,310,154	1,312,495
<i>Ոչ ընթացիկ պարտավորություններ</i>			
Վարկեր և փոխառություններ	10	1,802,339	937,737
Վարձակալություն	11	13,657	22,651
Հետաձգված հարկային պարտավորություններ	12	263,686	231,515
Պարտավորություններ պետական բյուջեին ակցիզային հարկի գծով	13	-	1,962,480
Ընդամենը ոչ ընթացիկ պարտավորություններ		2,079,682	3,154,383
<i>Ընթացիկ պարտավորություններ</i>			
Վարկեր և փոխառություններ	10	673,867	2,535,774
Վարձակալություն	11	8,995	7,993
Առևտրային կրեդիտորական և այլ պարտավորություններ	13	1,987,632	1,163,057
Ընթացիկ շահութահարկի գծով պարտավորություն		16,751	-
Ընդամենը ընթացիկ պարտավորություններ		2,687,245	3,706,824
ԸՆԴԱՄԵՆԸ ՍԵՓԱԿԱՆ ԿԱՊԻՏԱԼ ԵՎ ՊԱՐՏԱՎՈՐՈՒԹՅՈՒՆՆԵՐ		6,077,081	8,173,702

Ֆինանսական հաշվետվությունները հաստատվել են 2026թ. հուլիսի 1-ին:

Տնօրեն

Կարո Շահրազյան

Հաշվապահական ծառայություններ մատուցող
ընկերության ներկայացուցիչ
Կարինե Սահակյան

Ֆինանսական տնօրեն

Ալլա Ստեփանյան

Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող
10-ից մինչև 43-րդ էջերում ներկայացված կից ծանոթագրությունների հետ մեկտեղ

Շահույթի կամ վնասի և այլ համապարփակ ֆինանսական արդյունքների մասին հաշվետվություն
2025թ. դեկտեմբերի 31-ին ավարտված տարվա համար

Հազար դրամ	Ծնթ.	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Հասույթ	14	8,189,170	5,061,634
Վաճառքի ինքնարժեք	15	(6,643,169)	(3,991,173)
Համախառն շահույթ		1,546,001	1,070,461
Գործառնական այլ եկամուտներ		31,275	22,113
Իրացման ծախսեր	16	(732,860)	(704,042)
Վարչական ծախսեր	17	(437,277)	(383,744)
Գործառնական այլ ծախսեր		(6,479)	(19,905)
Գործառնական շահույթ		400,660	(15,117)
Զուտ ֆինանսական ծախս	18	(310,818)	(352,592)
Փոխարժեքային տարբերություններից զուտ օգուտ	19	15,068	64,154
Այլ ոչ գործառնական օգուտ/(վնաս)	20	(58,329)	3,671
Շահույթ (Վնաս) մինչև հարկումը		46,581	(299,884)
Շահութահարկի գծով (ծախս) / փոխհատուցում	21	(74,612)	4,766
Տարվա շահույթ (վնաս)		(28,031)	(295,119)
<i>Այլ համապարփակ ֆինանսական արդյունք</i>			
<i>Հոդվածներ, որոնք հետագայում չեն</i>			
<i>վերադասակարգվի շահույթին կամ վնասին</i>			
Հիմնական միջոցների վերագնահատում		-	-
Չվերադասակարգվող հոդվածներին		-	-
վերաբերող շահութահարկ		-	-
Տարվա այլ համապարփակ ֆինանսական արդյունք հարկումից հետո		-	-
Ընդամենը տարվա համապարփակ ֆինանսական արդյունք		(28,031)	(295,119)

Շահույթի կամ վնասի և այլ համապարփակ ֆինանսական արդյունքներին մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 43-րդ էջերում ներկայացված կից ծանոթագրությունների հետ մեկտեղ

«ԱՎԵՐՍ» ՓԲԸ

Սեփական կապիտալում փոփոխությունների մասին հաշվետվություն

2025թ. դեկտեմբերի 31-ին ավարտված տարվա համար

Հազար դրամ	Բաժնետիրական կապիտալ	Պահուստային հիմնադրամ	Վերագնահատման պահուստ	Լրացուցիչ կապիտալ	Կուտակված վնաս	Ընդամենը
2024թ. հունվարի 1-ի դրությամբ	522,610	60,130	862,241	-	(36,510)	1,408,471
Տարվա վնաս	-	-	-	-	(295,119)	(295,119)
Այլ համապարփակ ֆինանսական արդյունքներ	-	-	-	-	-	-
<i>Ընդամենը տարվա համապարփակ ֆինանսական արդյունք</i>	-	-	-	-	<i>(295,119)</i>	<i>(295,119)</i>
Նախորդ տարիների սխալների ուղղում	-	-	-	-	(5,835)	(5,835)
Բաժնետերերից ստացված երկարաժամկետ փոխառությունների անվանական և իրական արժեքների տարբերության արտացոլումը կապիտալում՝ հարկերը ներառյալ	-	-	-	204,978	-	204,978
2024թ. դեկտեմբերի 31-ի դրությամբ	522,610	60,130	862,241	204,978	(337,464)	1,312,495
Տարվա վնաս	-	-	-	-	(28,031)	(28,031)
Այլ համապարփակ ֆինանսական արդյունքներ	-	-	-	-	-	-
<i>Ընդամենը տարվա համապարփակ ֆինանսական արդյունք</i>	-	-	-	-	<i>(28,031)</i>	<i>(28,031)</i>
Բաժնետերերից ստացված փոխառությունների վաղաժամկետ մարման հետևանքով հետաձգված հարկային պարտավորության հակադարձում	-	-	-	25,690	-	25,690
2025թ. դեկտեմբերի 31-ի դրությամբ	522,610	60,130	862,241	230,668	(365,495)	1,310,154

Սեփական կապիտալում փոփոխությունների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 43-րդ էջերում ներկայացված կից ծանոթագրությունների հետ մեկտեղ

Դրամական միջոցների հոսքերի մասին հաշվետվություն
2025թ. դեկտեմբերի 31-ին ավարտված տարվա համար

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
<i>Գործառնական գործունեությունից դրամական միջոցների հոսքեր</i>		
Ապրանքների իրացումից, ծառայությունների մատուցումից մուտքեր	8,964,814	5,964,331
Տրված կանխավճարների ետ վերադարձ	15,753	-
Գործառնական այլ մուտքեր	152,537	7,764
Պետական բյուջեից ետ վերադարձ	548,727	380,000
Վճարումներ մատակարարներին	(2,031,705)	(2,226,686)
Վարձակալության գծով տոկոսների վճարում	(3,049)	(3,598)
Վճարումներ աշխատակիցներին և նրանց անունից	(568,316)	(627,303)
Վճարումներ պետական բյուջե	(1,544,414)	(925,051)
Վճարումներ պետական բյուջե ակցիզային հարկի գծով	(3,722,909)	(1,772,117)
Վճարումներ շահութահարկի գծով	(8,221)	(66,775)
Ստացված կանխավճարների ետ վերադարձ	(217,804)	(102,152)
Գործառնական այլ ելքեր	(5,280)	(9,245)
Գործառնական գործունեությունից դրամական միջոցների զուտ հոսքեր	1,580,133	619,168
<i>Ներդրումային գործունեությունից դրամական միջոցների հոսքեր</i>		
Հիմնական միջոցների և ոչ նյութական ակտիվների ձեռքբերման համար վճարումներ	(89,932)	(61,872)
Հիմնական միջոցների օտարումից մուտքեր	26,992	23,250
Ներդրումային գործունեությունից դրամական միջոցների զուտ հոսքեր	(62,940)	(38,622)
<i>Ֆինանսավորման գործունեությունից դրամական միջոցների հոսքեր</i>		
Վարձակալության գծով պարտավորության հիմնական մասի վճարումներ	(10,323)	(7,758)
Վարկերի և փոխառությունների ստացում	2,658,000	3,474,749
Վարկերի և փոխառությունների մարում	(3,852,485)	(3,713,687)
Տոկոսների մարում	(304,382)	(278,518)
Ֆինանսավորման գործունեությունից դրամական միջոցների զուտ հոսքեր	(1,509,190)	(525,214)
Դրամական միջոցների զուտ հոսք	8,003	55,332
Ժամանակաշրջանի սկզբի դրությամբ դրամական միջոցներ	102,510	50,099
Արտարժույթի փոխարժեքի ազդեցությունը դրամական միջոցների վրա	86	(2,921)
Ժամանակաշրջանի վերջի դրությամբ դրամական միջոցներ	110,599	102,510

Դրամական միջոցների հոսքերի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 43-րդ էջերում ներկայացված կից ծանոթագրությունների հետ մեկտեղ

«ԱՎԵՐՍ» ՓԲԸ

Ֆինանսական հաշվետվություններին կից ծանոթագրություններ

2025թ. դեկտեմբերի 31-ին ավարտված տարվա համար

1. Գործառնությունների բնույթը և ընդհանուր տեղեկատվություն

«ԱՎԵՐՍ» ՓԲԸ-ն («Ընկերություն») ստեղծվել է 1998թ. մարտի 4-ին:

Ընկերության կանոնադրությունը գրանցվել է 23 մարտի 1998թ. Հայաստանի Հանրապետության իրավաբանական անձանց պետական ռեգիստրի կողմից (գրանցման համար՝ 264.120.04212):

Ընկերության հիմնադիր փաստաթուղթ է համարվում կանոնադրությունը:

31 դեկտեմբերի 2024 թվականի դրությամբ Ընկերության բաժնետերերն են հանդիսանում Կարո Շահբազյանը (Ընկերության բաժնետիրական կապիտալում 33.793103% մասնակցությամբ), Արտուր Մանվելյանը (Ընկերության բաժնետիրական կապիտալում 33.103448% մասնակցությամբ) և Արսեն Արսենյանը (Ընկերության բաժնետիրական կապիտալում 33.103448% մասնակցությամբ):

2025 թվականի ընթացքում տեղի է ունեցել բաժնետոմսերի փոխանցում, որի արդյունքում Արսեն Արսենյանը դադարել է հանդիսանալ Ընկերության բաժնետեր, իսկ նրա բաժնեմասը ձեռք է բերել Ընկերության մյուս բաժնետեր Արտուր Մանվելյանը: Արդյունքում 2025 թվականի դեկտեմբերի 31-ի դրությամբ Ընկերության բաժնետերերն են Կարո Շահբազյանը՝ Ընկերության բաժնետիրական կապիտալում 33.793103% մասնակցությամբ, և Արտուր Մանվելյանը՝ 66.206897% մասնակցությամբ:

Ընկերությունն իրավաբանական անձ համարվող, շահույթ ստանալու նպատակ հետապնդող առևտրային կազմակերպություն է, որն իր գործունեության ընթացքում ղեկավարվում է Հայաստանի Հանրապետության օրենսդրությամբ և իր կանոնադրությամբ:

Ընկերության կառավարման բարձրագույն մարմինն է ընկերության բաժնետերերի ընդհանուր ժողովը: Ընկերության ընթացիկ գործունեության ղեկավարումն իրականացնում է տնօրենը:

Ընկերության իրավաբանական հասցեն է՝ Հայաստանի Հանրապետություն, ք. Երևան, Ն. Տիգրանյան 1-ին փակուղի, շ. 3:

Ընկերության աշխատակիցների ցուցակային թվաքանակը հաշվետու ժամանակաշրջանի վերջի դրությամբ կազմել է 94 աշխատակից (2024թ վերջի դրությամբ՝ 90 աշխատակից):

2. Հայաստանի գործարար միջավայրը

Հայաստանի Հանրապետությունում գործարար միջավայրը շարունակում է ձևավորվել արտաքին և տարածաշրջանային զարգացումների պայմաններում: Տարածաշրջանային անվտանգության իրավիճակը և աշխարհաքաղաքական գործոնները կարող են պահպանել որոշակի անորոշություն և ազդեցություն ունենալ տնտեսական ակտիվության, շուկաների կայունության և գործարար կապերի վրա: Միևնույն ժամանակ, տարածաշրջանում իրականացվում են բանակցային գործընթացներ՝ ուղղված լարվածության նվազեցմանը և երկարաժամկետ կայունության ապահովմանը, սակայն դրանց արդյունքների և ժամկետների վերաբերյալ առկա է անորոշություն:

Ղեկավարությունը հետևում է զարգացումներին և գնահատում է, որ հաշվետու ամսաթվի դրությամբ հնարավոր չէ վստահելի կերպով քանակապես գնահատել վերոնշյալ հանգամանքների ամբողջական ազդեցությունը Ընկերության գործունեության, ֆինանսական վիճակի և դրամական հոսքերի վրա՝ պայմանավորված իրադարձությունների շարունակականությամբ և գործոնների բազմազանությամբ: Տնտեսական և քաղաքական միջավայրի հետագա զարգացումները և դրանց ազդեցությունը Ընկերության վրա կարող են տարբերվել ղեկավարության ներկայիս սպասումներից: Տվյալ ֆինանսական հաշվետվությունները չեն ներառում վերոնշյալ

հանգամանքներից բխող հնարավոր ապագա ազդեցությունների համար որևէ ճշգրտումներ՝ բացառությամբ այն դեպքերի, երբ դրանք պահանջվում են կիրառելի հաշվապահական ստանդարտներով:

3. Պատրաստման հիմունքներ

3.1 Համապատասխանության մասին հայտարարություն

Սույն ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՖՀՄՍ) պահանջների համաձայն, որոնք հրապարակվել են Հաշվապահական Հաշվառման Միջազգային Ստանդարտների Խորհրդի (ՀՀՄՄԽ) կողմից:

3.2 Չափման հիմունքներ

Ֆինանսական հաշվետվությունների պատրաստման համար Ընկերության կողմից ընդունված չափման հիմունք է հանդիսանում սկզբնական արժեքը, որը սովորաբար համակցվում է այլ չափման հիմունքների հետ: Այլ չափման հիմունքներ կիրառելիս Ընկերությունը ներկայացնում է բացահայտումներ համապատասխան ծանոթագրություններում:

3.3 Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (դրամ), որն էլ հանդիսանում է Ընկերության գործառնական արժույթը, քանի որ այն լավագույնս արտացոլում է ֆինանսական հաշվետվությունների հիմքում ընկած իրադարձությունների և Ընկերության գործարքների տնտեսական բովանդակությունը:

Դրամով ներկայացված ամբողջ ֆինանսական տեղեկատվությունը կլորացված է մինչև մոտակա հազար միավորը:

3.4 Անընդհատություն

Ֆինանսական հաշվետվությունները կազմվել են անընդհատության հիմունքով, որը ենթադրում է ակտիվների իրացում և պարտավորությունների մարում Ընկերության բնականոն գործունեության ընթացքում:

2025թ. դեկտեմբերի 31-ին ավարտված տարվա ընթացքում Ընկերության հասույթը կազմել է 8,189,170 հազար դրամ՝ 2024թ. 5,061,634 հազար դրամի դիմաց, իսկ գործառնական շահույթը կազմել է 400,660 հազար դրամ՝ 2024թ. 15,117 հազար դրամ գործառնական վնասի դիմաց: Չնայած դրան, Ընկերությունը հաշվետու տարում կրել է 28,031 հազար դրամ զուտ վնաս, և 2025թ. դեկտեմբերի 31-ի դրությամբ կուտակված վնասը կազմել է 365,495 հազար դրամ:

2025թ. դեկտեմբերի 31-ի դրությամբ Ընկերության ընթացիկ ակտիվները կազմել են 4,355,618 հազար դրամ, իսկ ընթացիկ պարտավորությունները՝ 2,687,245 հազար դրամ: Ընկերության ընթացիկ ակտիվները գերազանցում են ընթացիկ պարտավորությունները 1,668,373 հազար դրամով: Ընկերությունը հաշվետու տարում ունեցել է նաև դրական գործառնական դրամական հոսքեր՝ 1,580,133 հազար դրամի չափով:

Ղեկավարությունը գնահատել է Ընկերության անընդհատ գործելու կարողությունը՝ հաշվի առնելով հասույթի աճը, գործառնական շահույթի բարելավումը, առկա պաշարների և դեբիտորական պարտքերի իրացվելիությունը, վարկերի և փոխառությունների մարման ժամանակացույցը, բաժնետերերից ֆինանսավորում ներգրավելու հնարավորությունը:

Վերոնշյալ գործոնների հիման վրա ղեկավարությունը եզրակացրել է, որ Ընկերությունն ունի բավարար ռեսուրսներ՝ իր գործունեությունը շարունակելու հաշվետու ամսաթվից սկսած առնվազն 12 ամիսների ընթացքում: Հետևաբար, ֆինանսական հաշվետվությունները պատրաստվել են անընդհատության հիմունքով: Ղեկավարության գնահատմամբ, առկա հանգամանքները չեն հանգեցնում այնպիսի էական անորոշության, որը կարող է նշանակալի կասկած հարուցել Ընկերության անընդհատ գործելու կարողության վերաբերյալ:

3.5 Գնահատումների և դատողությունների օգտագործում

Ֆինանսական հաշվետվությունները ՖՀՄՄ-ի պահանջներին համապատասխան պատրաստելու համար ղեկավարությունը կատարել է մի շարք դատողություններ, գնահատումներ և ենթադրություններ, որոնք ազդեցություն ունեն հաշվապահական հաշվառման քաղաքականության կիրառման, ինչպես նաև ակտիվների, պարտավորությունների, եկամտի և ծախսի ներկայացված գումարների վրա: Փաստացի արդյունքները կարող են տարբերվել այդ գնահատումներից:

Գնահատումներն ու համապատասխան ենթադրությունները շարունակաբար վերանայվում են: Հաշվապահական գնահատումների վերանայումները ճանաչվում են այն ժամանակաշրջանում, որում վերանայվել են և այն ապագա ժամանակաշրջաններում, որոնց վրա կարող են ազդեցություն ունենալ:

3.6 Նոր և վերանայված ստանդարտների ընդունում

Ստանդարտներ, փոփոխություններ և մեկնաբանություններ առկա ստանդարտների վերաբերյալ, որոնք դեռևս չեն գործում և նախօրոք չեն ներդրվել Հնկերության կողմից:

ՖՀՄՄ 7 «Ֆինանսական գործիքներ. բացահայտումներ» - Բացահայտումներ

ՖՀՄՄ 7-ում կատարված խմբագրումը պահանջում է բացահայտել իրական արժեքով այլ համապարփակ ֆինանսական արդյունքով չափվող բաժնային գործիքների իրական արժեքով վերաչափումներից այլ համապարփակ եկամուտներ և ծախսերը՝ առանձնացնելով այն մասը որը վերաբերում է ընթացիկ ժամանակաշրջանում ապաճանաչված ակտիվներին:

Նաև պահանջվում է առանձին բացահայտել ամորտիզացված արժեքով չափվող ֆինանսական ակտիվների և պարտավորությունների, ինչպես նաև պարտադիր այլ համապարփակ ֆինանսական արդյունքով չափվող ֆինանսական ակտիվների գծով պայմանագրային այն պայմանները, որոնց պատճառով կարող են փոփոխվել պայմանագրային հոսքերի գումարները և ժամկետները, և որոնք հանդիսանում են պայմանական դեպքեր և ուղղակի կապված չեն բազային պարտքային համաձայնագրի ռիսկի և արժեքի փոփոխության հետ:

ՖՀՄՄ 7-ի այս փոփոխություններն ուժի մեջ են մտնում 2026թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՖՀՄՄ 9 «Ֆինանսական գործիքներ» - Բնությունից կախված էլեկտրաէներգիայի պայմանագրեր

Համաձայն կատարված խմբագրման ՖՀՄՄ 9-ի գործողության ոլորտում կարող են ներառվել բնական երևույթներից կախված և դրանց շնորհիվ արտադրված էլեկտրաէներգիայի (օրինակ՝ հողմային էլեկտրակայանների կողմից արտադրված) ձեռքբերման կամ վաճառքի ածանցյալ պայմանագրերը, եթե ձեռքբերողը պարտավոր է հետ վաճառել էլեկտրաէներգիայի այն ծավալը, որը չի կարող օգտագործել:

Նաև թույլատրվում է էլեկտրակայանին նման պայմանագրերը դասակարգել որպես հեջավորման գործիք, եթե հեջավորված հոդվածը ածանցյալ պայմանագրին համահունչ պայմաններով սպասվող իրացումն է:

ՖՀՄՄ 9-ի այս փոփոխություններն ուժի մեջ են մտնում 2026թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՖՀՄՄ 9 «Ֆինանսական գործիքներ» - Առևտրային դեբիտորական պարտքերի չափումը

ՖՀՄՄ 9-ում կատարված խմբագրմամբ պարզաբանվում է, որ առևտրային դեբիտորական պարտքերը ճանաչման պահին պետք է չափվեն այն արժեքով, որը որոշվել է կիրառելով ՖՀՄՄ 15 «Հասույթ» գնորդների հետ պայմանագրերից» հաշվապահական ստանդարտը:

ՖՀՄՄ 9-ի այս փոփոխություններն ուժի մեջ են մտնում 2026թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՖՀՄՄ 9 «Ֆինանսական գործիքներ» - Վարձակալության գծով պարտավորությունների ապաճանաչում

ՖՀՄՄ 9-ում կատարված լրացմամբ հստակեցում է, որ ֆինանսական պարտավորությունների ապաճանաչման պահին հաշվեկշռային արժեքի և վճարված հատուցման միջև տարբերությունը շահույթում կամ վնասում ճանաչելու պահանջը պետք է կիրառել նաև վարձակալության գծով պարտավորությունների նկատմամբ:

ՖՀՄՄ 9-ի այս փոփոխություններն ուժի մեջ են մտնում 2026թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՖՀՄՄ 18 «Ֆինանսական հաշվետվություններում ներկայացումը և բացահայտումը»

2024թ.-ին թողարկվել է ՖՀՄՄ 18 հաշվապահական ստանդարտը, որը վերաբերում է ֆինանսական հաշվետվությունների ներկայացմանը և փոխարինում է «Ֆինանսական հաշվետվությունների ներկայացումը» ՀՀՄՄ 1-ին:

Նշանակալի փոփոխության է ենթարկվել շահույթի կամ վնասի մասին հաշվետվությունում ներկայացման ենթակա տեղեկատվության բովանդակությունը, որտեղ պահանջվում է ներկայացնել եկամուտներն ու ծախսերը ըստ գործառնական, ներդրումային, ֆինանսավորման, շահութահարկ և ընդհատված գործառնություններ բաժինների:

ՖՀՄՄ 18-ը ուժի մեջ է մտնում 2027թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

ՖՀՄՄ 19 «Հանրային հաշվետվողականություն չունեցող դուստր ընկերություններ. բացահայտումներ»

2024թ.-ին թողարկվել է ՖՀՄՄ 19 հաշվապահական ստանդարտը, որը հնարավորություն է տալիս հանրային հաշվետվողականություն չունեցող կազմակերպություններին, որոնք նաև հանդիսանում են ՖՀՄՄ-ների համապատասխան հրապարակվող ֆինանսական հաշվետվություններ ներկայացնող կազմակերպության դուստր ընկերություն, ներկայացնել ավելի քիչ բացահայտումներ քան պահանջվում են այլ ՖՀՄՄ-ներով:

ՖՀՄՄ 19-ի կիրառումը պարտադիր չէ և նշված պայմաններին բավարարող կազմակերպությունը կարող է այն կիրառել մեկ հաշվետու ժամանակաշրջանում և հրաժարվել դրա կիրառումից մեկ այլ ժամանակաշրջանում:

ՖՀՄՄ 19-ը ուժի մեջ է մտնում 2027թ.-ի հունվարի 1-ին կամ այդ ամսաթվից հետո սկսվող տարեկան ժամանակաշրջանների համար:

4. Հաշվապահական հաշվառման քաղաքականության վերաբերյալ էական տեղեկատվություն

4.1 Հիմնական միջոցներ

Վերագնահատված արժեքով հաշվառվող հիմնական միջոցներ

Հիմնական միջոցներից շենք-շինությունները և հողամասերը, որոնք օգտագործվում են ապրանքների արտադրության կամ մատակարարման, ծառայությունների մատուցման կամ վարչական նպատակով, ֆինանսական վիճակի մասին հաշվետվությունում ներկայացված են վերագնահատված արժեքով, որն իրենից ներկայացնում է վերագնահատված օրվա դրությամբ հիմնական միջոցի իրական արժեքը՝ հանած հետագա կուտակված մաշվածությունը և արժեզրկումից կորուստները: Ցանկացած կուտակված մաշվածություն վերագնահատման օրը բացառվում է ակտիվի համախառն հաշվեկշռային արժեքից և ակտիվի վերագնահատված արժեքում ներկայացվում է գուտ արժեքը: Շենք-շինությունների վերագնահատումներն իրականացվում են անկախ գնահատողի կողմից՝ բավարար պարբերականությամբ, այնպես, որ հաշվեկշռային արժեքն էականորեն չտարբերվի հաշվետու ամսաթվի դրությամբ իրական արժեքից:

Հիմնական միջոցների վերագնահատումից արժեքի աճը վերագրվում է այլ համապարփակ եկամուտներին և արտացոլվում է սեփական կապիտալում՝ որպես վերագնահատման պահուստ: Սակայն, եթե այդ աճը

վերականգնում է նույն ակտիվի նախկին վերագնահատումների արդյունքում առաջացած նվազումը, այն ճանաչվում է համապարփակ ֆինանսական արդյունքների մասին հաշվետվությունում՝ որպես եկամուտ այն չափով, որով նախկինում նվազումը ճանաչվել էր որպես ծախս: Երբ հիմնական միջոցների հաշվեկշռային արժեքը վերագնահատման հետևանքով նվազում է, նվազումը ճանաչվում է շահույթում կամ վնասում այն չափով, որը գերազանցում է նույն ակտիվի գծով նախորդ վերագնահատումից առաջացած վերագնահատման աճը:

Վերագնահատումից աճը, որը ներառվում է սեփական կապիտալում, ուղղակիորեն վերագրվում է չբաշխված շահույթին, երբ ակտիվները ապաճանաչվում են: Վերագնահատումից արժեքի աճի ամբողջական վերագրումը չբաշխված շահույթին տեղի է ունենում, երբ ակտիվը դուրս է գրվում կամ օտարվում է:

Սկզբնական արժեքով հաշվառվող հիմնական միջոցներ

Հիմնական միջոցներից կառուցվածքները, մեքենաներ և սարքավորումները, տրանսպորտային միջոցները, արտադրական և տնտեսական գույքը հաշվառվում են սկզբնական արժեքով հանած կուտակված մաշվածությունը և արժեզրկումից կորուստները: Սկզբնական արժեքը ներառում է ձեռքբերման գինը, ներկրման տուրքերը, հարկերը և պարտադիր այլ վճարներ, որոնք ենթակա չեն վերադարձման և ուղղակիորեն վերագրվող ծախսումներ: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանք հաշվառվում են որպես հիմնական միջոցի առանձին միավորներ:

Հիմնական միջոցի օտարման կամ դուրսգրման հետևանքով առաջացած օգուտը կամ վնասը որոշվում է վաճառքից մուտքերի ու ակտիվի հաշվեկշռային արժեքի տարբերությամբ և ճանաչվում է համապարփակ ֆինանսական արդյունքների մասին հաշվետվությունում:

Հիմնական միջոցի առանձին հաշվառվող միավորի բաղկացուցչի փոխարինման ծախսումները, որոնք հաշվառվում են որպես առանձին ակտիվ, կապիտալացվում են դուրս գրված բաղկացուցիչի հաշվեկշռային արժեքի հետ: Այլ հետագա ծախսումները կապիտալացվում են միայն այն ժամանակ, երբ դրանք ավելացնում են հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և վերանորոգման ծախսումները, ճանաչվում են համապարփակ ֆինանսական արդյունքների մասին հաշվետվությունում՝ կատարվելու ժամանակաշրջանում:

Մաշվածությունը ճանաչվում է համապարփակ ֆինանսական արդյունքների մասին հաշվետվությունում՝ կիրառելով գծային մեթոդը հիմնական միջոցի գնահատված օգտակար ծառայության ժամկետի ընթացքում: Մաշվածության հաշվարկը սկսվում է այն պահից, երբ ակտիվը դառնում է մատչելի՝ իր նպատակային նշանակությամբ օգտագործելու համար:

Հիմնական միջոցների մնացորդային արժեքները, օգտակար ծառայության ժամկետները և մաշվածության մեթոդները վերանայվում են յուրաքանչյուր ֆինանսական տարվա վերջի դրությամբ և, անհրաժեշտության դեպքում ճշգրտվում են ապագա ժամանակաշրջանների համար:

Հիմնական միջոցների գնահատված օգտակար ծառայության ժամկետները ներկայացված են ստորև.

Շենք-շինություններ	20-39 տարի
Կառուցվածքներ	5 տարի
Մեքենաներ և սարքավորումներ	1-10 տարի
Տրանսպորտային միջոցներ	10-15 տարի
Արտադրական, տնտեսական գույք	3-10 տարի
Օգտագործման իրավունքի ձևով ակտիվներ	3-7 տարի
Ֆինանսական վարձակալությամբ ձեռքբերված ՀՄ-ներ	15 տարի

4.2 Ոչ նյութական ակտիվներ

Ոչ նյութական ակտիվները, որոնք ձեռք են բերվել Ընկերության կողմից և ունեն օգտակար ծառայության որոշակի ժամկետ, ներկայացված են սկզբնական արժեքով հանած կուտակված ամորտիզացիան և արժեզրկումից կորուստները:

Ամորտիզացիան ճանաչվում է շահույթի կամ վնասի և այլ համապարփակ ֆինանսական արդյունքների մասին հաշվետվությունում՝ կիրառելով գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում:

4.3 Պաշարներ

Պաշարները չափվում են ինքնարժեքից և իրացման գույք արժեքից նվազագույնով:

Պաշարների ինքնարժեքը ներառում է ձեռք բերման ծախսումները, արտադրանքի վերամշակման ծախսումները և պաշարները ներկա գտնվելու վայր և վիճակի բերելու հետ կապված այլ ծախսումներ:

Ձեռք բերման ծախսումներն են գնման գինը, ներմուծման տուրքերը, հարկերը և պարտադիր այլ վճարները, որոնք համապատասխան մարմնի կողմից ենթակա չեն Ընկերությանը ետ վերադարձման, մաքսային բրոքեր (միջնորդ) հանդիսացող անձանց վճարվող գումարները, ինչպես նաև այդ պաշարների ձեռք բերման հետ կապված տրանսպորտային, բեռնման, բեռնաթափման և այլ ծախսումները:

Ձեռք բերման ծախսումները որոշելիս առևտրային զեղչերը, գների իջեցումները հանվում են:

Պաշարների ինքնարժեքը որոշվում է՝ կիրառելով «Առաջինը մուտք՝ առաջինը ելք» (ՖԻՖՈ) բանաձևը:

Մաքսային պահեստում գտնվող ներմուծված ապրանքների ինքնարժեքում ներառվում են նաև դրանց հետագա մաքսագերծման ժամանակ վճարման ենթակա ակցիզային հարկի գնահատված գումարները, եթե հաշվետու ամսաթվի դրությամբ համապատասխան ապրանքների մաքսագերծումը անհրաժեշտ է դրանց իրացման կամ Ընկերության բնականոն գործունեության մեջ օգտագործման համար, իսկ կիրառելի հարկային դրույքաչափերը հայտնի են:

4.4 Վարձակալություն

Ընկերությունը որպես վարձակալ վարձակալության պայմանագրի սկզբնական ճանաչման պահին ճանաչում է ակտիվի օգտագործման իրավունք և վարձակալական պարտավորություն, բացառությամբ ցածրարժեք և կարճաժամկետ վարձակալությունների՝ ՖՀՄՍ 16-ով նախատեսված բացառությունների:

Սկզբնական ճանաչումը

Սկզբնական ճանաչման ամսաթվին Ընկերությունը չափում է ակտիվի օգտագործման իրավունքը սկզբնական արժեքով, որը ներառում է հետևյալ տարրերը.

- վարձակալական պարտավորության սկզբնական ճանաչման արժեքը,
- ճանաչման ամսաթվին կամ դրանից առաջ կատարված վարձակալական վճարները, հանած վարձակալության գծով ստացված խրախուսող պայմանների ազդեցությունը,
- կրած սկզբնական ուղղակի ծախսումները,
- վարձակալած ակտիվի ազատման, վերականգման կամ ապամոնտաժման ծախսերի գնահատականը:

Սկզբնական ճանաչման ամսաթվին Ընկերությունը չափում է վարձակալական պարտավորությունը՝ որպես այդ ամսաթվի դրությամբ վճարման ենթակա վարձակալական վճարների ներկա արժեք: Վարձակալական վճարները զեղչվում են վարձակալությամբ ենթադրվող տոկոսադրույքով, եթե այն հնարավոր է որոշել: Հակառակ դեպքում Ընկերությունը զեղչման համար օգտագործում է իր լրացուցիչ փոխառության տոկոսադրույքը:

Սկզբնական ճանաչումից հետո վարձակալը չափում է ակտիվի օգտագործման իրավունքը սկզբնական արժեքով՝

- հանած կուտակված մաշվածությունը և արժեզրկումը
- ճշգրտված վարձակալական պարտավորության վերաչափումով:

Ակտիվի օգտագործման իրավունքի մաշվածության հաշվարկի համար հիմք է հանդիսանում հիմնական միջոցների մաշվածության Շնկերությունը քաղաքականությունը: Սկզբնական ճանաչումից հետո Շնկերությունը վերաչափում է վարձակալական պարտավորությունը՝

- մեծացնելով հաշվեկշռային արժեքը՝ արտացոլելու համար վարձակալական պարտավորության նկատմամբ հաշվեզրկող տոկոսը
- փոքրացնելով հաշվեկշռային արժեքը՝ արտացոլելու համար վճարած վարձակալական վճարները
- վերաչափելով հաշվեկշռային արժեքը՝ արտացոլելու համար վարձակալության պայմանագրի վերաչափումները կամ փոփոխությունները

4.5 Դրամական միջոցներ և դրանց համարժեքներ

Դրամական միջոցները և դրանց համարժեքները ներառում են կանխիկ միջոցները և բանկային հաշիվների մնացորդները:

Դրամական միջոցների հոսքերի մասին հաշվետվության նպատակով՝ դրամական միջոցների համարժեքները կարճաժամկետ, բարձր իրացվելի ներդրումներն են, որոնք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը նշանակալի չէ: Դրամական միջոցների համարժեքները պահվում են կարճաժամկետ դրամական պարտավորությունները բավարարելու նպատակով, այլ ոչ թե ներդրման կամ այլ նպատակներով: Ընկերությունը դասակարգում է ներդրումները որպես դրամական միջոցների համարժեքներ այն դեպքում, եթե դրանք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը նշանակալի չէ:

4.6 Ֆինանսական գործիքներ

Ֆինանսական ակտիվը և ֆինանսական պարտավորությունը ճանաչվում են այն ժամանակ, երբ Ընկերությունը դառնում է ֆինանսական գործիքի պայմանագրային կողմ: Ֆինանսական ակտիվները և ֆինանսական պարտավորությունները սկզբնական ճանաչման պահին չափվում են իրական արժեքով: Այն ֆինանսական ակտիվների և ֆինանսական պարտավորությունների դեպքում, որոնք հետագայում չեն չափվում իրական արժեքով՝ շահույթի կամ վնասի միջոցով, սկզբնական չափման գումարին ավելացվում կամ դրանից նվազեցվում են գործարքին ուղղակիորեն վերագրվող ծախսումները:

Ֆինանսական ակտիվներ

Ընկերության ֆինանսական ակտիվները հիմնականում ներառում են առևտրային դեբիտորական պարտքերը և դրամական միջոցներն ու դրանց համարժեքները:

Սկզբնական ճանաչումից հետո Ընկերության ֆինանսական ակտիվները չափվում են ամորտիզացված արժեքով, եթե դրանք պահվում են պայմանագրային դրամական հոսքեր հավաքելու նպատակով, և այդ դրամական հոսքերը ներկայացնում են միայն մալր գումարի և չմարված մալր գումարի գծով տոկոսների վճարումներ: Ընկերության առևտրային դեբիտորական պարտքերը և դրամական միջոցներն ու դրանց համարժեքները դասակարգվում են որպես ամորտիզացված արժեքով չափվող ֆինանսական ակտիվներ:

Առևտրային դեբիտորական պարտքերը սկզբնական ճանաչման պահին չափվում են գործարքի գնով, եթե դրանք չեն պարունակում էական ֆինանսավորման բաղադրիչ: Հետագա չափման ժամանակ դրանք ներկայացվում են ամորտիզացված արժեքով՝ հանած ակնկալվող պարտքային կորուստների պահուստը:

Դրամական միջոցները և դրանց համարժեքները ներառում են կանխիկ դրամը և բանկային հաշիվների մնացորդները: Դրանք ներկայացվում են ամորտիզացված արժեքով, որը սովորաբար մոտարկում է դրանց իրական արժեքին՝ կարճաժամկետ բնույթի պատճառով:

Ֆինանսական ակտիվների արժեզրկում

Ընկերությունը ֆինանսական ակտիվների գծով ճանաչում է ակնկալվող պարտքային կորուստների պահուստ՝ ՖՀՄՍ 9-ի պահանջներին համապատասխան:

Առևտրային դեբիտորական պարտքերի համար Ընկերությունը կիրառում է ՖՀՄՍ 9-ով նախատեսված պարզեցված մոտեցումը և ակնկալվող պարտքային կորուստները չափում է ամբողջ ժամկետի ակնկալվող պարտքային կորուստների չափով: ԱՊԿ գնահատման ժամանակ Ընկերությունը հաշվի է առնում պարտքերի ժամկետայնությունը, հաճախորդների վճարունակության վերաբերյալ պատմական փորձը, հաշվետու ամսաթվի դրությամբ առկա տեղեկատվությունը, ինչպես նաև ապագային վերաբերող ողջամիտ և հիմնավորված տեղեկատվությունը, եթե այն հասանելի է առանց անհամաչափ ծախսերի կամ ջանքերի:

Դրամական միջոցների և դրանց համարժեքների մասով ակնկալվող պարտքային կորուստները գնահատվում են՝ հաշվի առնելով այն բանկերի վարկունակությունը, որոնցում պահվում են Ընկերության դրամական միջոցները: Դեկավարության գնահատմամբ, հաշվետու ամսաթվի դրությամբ այդ գործիքների գծով ակնկալվող պարտքային կորուստները էական չեն:

Ֆինանսական ակտիվը դուրս է գրվում ամբողջությամբ կամ մասնակիորեն, երբ Ընկերությունը չունի դրա ամբողջական կամ մասնակի վերականգնման ողջամիտ ակնկալիք:

Ֆինանսական պարտավորություններ

Ընկերության ֆինանսական պարտավորությունները հիմնականում ներառում են բանկային վարկերը, ստացված փոխառությունները, լիզինգի և վարձակալության գծով պարտավորությունները, ինչպես նաև առևտրային կրեդիտորական պարտքերը:

Ֆինանսական պարտավորությունները սկզբնական ճանաչումից հետո չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը, բացառությամբ այն դեպքերի, երբ կիրառելի ստանդարտներով պահանջվում է այլ չափման հիմք:

Բանկային վարկերը սկզբնական ճանաչման պահին չափվում են իրական արժեքով՝ հանած գործարքին ուղղակիորեն վերագրվող ծախսումները, իսկ հետագայում չափվում են ամորտիզացված արժեքով: Տոկոսային ծախսը ճանաչվում է շահույթում կամ վնասում՝ արդյունավետ տոկոսադրույքի մեթոդով:

Անտոկոս կամ շուկայականից ցածր տոկոսադրույքով ստացված երկարաժամկետ փոխառությունները սկզբնական ճանաչման պահին չափվում են ապագա պայմանագրային դրամական հոսքերի ներկա արժեքով՝ զեղչված համանման պարտավորությունների համար կիրառելի շուկայական տոկոսադրույքով: Եթե այդպիսի փոխառությունը ստացվել է բաժնետերերից, ապա փոխառության անվանական արժեքի և սկզբնական ճանաչման իրական արժեքի տարբերությունը, համապատասխան հարկային ազդեցության հաշվառումից հետո, ճանաչվում է սեփական կապիտալում՝ որպես բաժնետերերի հետ գործարք: Հետագա ժամանակաշրջաններում զեղչի ամորտիզացիան ճանաչվում է շահույթում կամ վնասում՝ որպես ֆինանսական ծախս:

Առևտրային կրեդիտորական պարտքերը սկզբնական ճանաչման պահին չափվում են իրական արժեքով, իսկ հետագայում՝ ամորտիզացված արժեքով: Եթե կրեդիտորական պարտավորության վճարման ժամկետը երկարաձգվում է կամ այն պարունակում է էական ֆինանսավորման բաղադրիչ, Ընկերությունը գնահատում է պարտավորության իրական արժեքը և հետագա ժամանակաշրջաններում ճանաչում է համապատասխան ֆինանսական ծախս կամ եկամուտ՝ արդյունավետ տոկոսադրույքի մեթոդով:

Վարձակալության և լիզինգի գծով պարտավորությունների հաշվառումը ներկայացված է վարձակալության հաշվապահական քաղաքականության մեջ: Այդ պարտավորությունների գծով տոկոսային ծախսը ճանաչվում է

շահույթում կամ վնասում՝ պարտավորության մնացորդի նկատմամբ կիրառելով համապատասխան զեղչման կամ պայմանագրային տոկոսադրույքը:

Ապաճանաչում

Ընկերությունը ապաճանաչում է ֆինանսական ակտիվը, երբ ֆինանսական ակտիվից դրամական միջոցներ ստանալու պայմանագրային իրավունքները դադարում են, կամ երբ Ընկերությունը փոխանցում է այդ իրավունքները և փոխանցում է ակտիվի սեփականության հետ կապված ըստ էության բոլոր ռիսկերն ու հատույցները:

Ֆինանսական պարտավորությունը ապաճանաչվում է, երբ պայմանագրային պարտականությունը կատարվում է, չեղարկվում է կամ ուժը կորցնում է: Ապաճանաչման պահին ֆինանսական պարտավորության հաշվեկշռային արժեքի և վճարված կամ վճարման ենթակա հատուցման տարբերությունը ճանաչվում է շահույթում կամ վնասում, եթե գործարքը բաժնետերերի հետ սեփականատիրական բնույթի գործարք չէ:

Հաշվանցում

Ֆինանսական ակտիվները և ֆինանսական պարտավորությունները հաշվանցվում և ֆինանսական վիճակի մասին հաշվետվությունում ներկայացվում են զուտ գումարով միայն այն դեպքում, երբ Ընկերությունն ունի ճանաչված գումարները հաշվանցելու իրավաբանորեն ամրագրված իրավունք և մտադիր է մարումը կատարել զուտ հիմունքով կամ միաժամանակ իրացնել ակտիվը և մարել պարտավորությունը:

4.7 Արտարժույթով գործարքներ

Արտարժույթով գործառնությունն այնպիսի գործառնություն է, որը սահմանված է արտարժույթով, կամ որը պահանջում է արտարժույթով կատարում (կարգավորում):

Արտարժույթով գործառնությունը սկզբնապես ճանաչման պահին հաշվառվում է ֆունկցիոնալ արժույթով՝ արտարժույթի գումարի նկատմամբ կիրառելով ֆունկցիոնալ արժույթի և արտարժույթի միջև գործառնության ամսաթվի դրությամբ սփոթ փոխանակման փոխարժեքը:

Յուրաքանչյուր հաշվետու ժամանակաշրջանի վերջին՝

- ա) արտարժույթով դրամային հոդվածները վերահաշվարկվում են՝ կիրառելով փական փոխարժեքը.
- բ) սկզբնական արժեքով չափվող արտարժույթով ոչ դրամային հոդվածները վերահաշվարկվում են (ներկայացվում են) գործառնության ամսաթվի փոխանակման փոխարժեքով. և
- գ) իրական արժեքով չափվող արտարժույթով ոչ դրամային հոդվածները վերահաշվարկվում են (ներկայացվում են) իրական արժեքի որոշման օրվա փոխանակման փոխարժեքով:

Դրամային հոդվածները առկա դրամական միջոցներն են, ինչպես նաև դրամական միջոցներով ստացման և վճարման ենթակա ակտիվները և պարտավորությունները: Արտարժույթի փոխանակման փոխարժեքի փոփոխությունների հետևանքները հաշվառելու նպատակով դրամային հոդվածներ են համարվում նաև արտարժույթով տրված և ստացված կանխավճարները:

Ոչ դրամային հոդվածները հաշվեկշռի բոլոր հոդվածներն են, բացառությամբ առկա դրամական միջոցների, ինչպես նաև դրամական միջոցներով ստացման և վճարման ենթակա ակտիվների և պարտավորությունների: Որպես փոխանակման փոխարժեք ընդունվում է Հայաստանի Հանրապետության կենտրոնական բանկի կողմից հրապարակվող հաշվարկային փոխարժեքը:

Եթե ոչ դրամային հոդվածի գծով օգուտ կամ վնաս է ճանաչվում այլ համապարփակ ֆինանսական արդյունքում, ապա այդ օգուտի կամ վնասի ցանկացած փոխանակման բաղադրիչ ճանաչվում է այլ համապարփակ ֆինանսական արդյունքում: Եվ հակառակը՝ եթե ոչ դրամային հոդվածի գծով օգուտ կամ վնաս է ճանաչվում շահույթում կամ վնասում, ապա այդ օգուտի կամ վնասի ցանկացած փոխանակման բաղադրիչ ճանաչվում է շահույթում կամ վնասում:

Փոխարժեքային տարբերությունները, որոնք առաջանում են դրամային հոդվածների մարման արդյունքում, կամ երբ դրամային հոդվածները վերահաշվարկվում են մի փոխարժեքով, որը տարբերվում է տվյալ հաշվետու ժամանակաշրջանում դրանց սկզբնապես ճանաչման կամ նախորդ ֆինանսական հաշվետվություններում վերահաշվարկման փոխարժեքից, ճանաչվում են շահույթում կամ վնասում այն ժամանակաշրջանում, որում դրանք առաջացել են, բացառությամբ այն փոխարժեքային տարբերությունների, որոնք նշված են 9-րդ կետում:

Դրամային հոդվածի հետ կապված փոխարժեքային տարբերությունները, որոնք կազմում են արտերկրյա ստորաբաժանումում հաշվետու կազմակերպության կատարած գուտ ներդրման մի մասը, կոնկրետ իրավիճակից ելնելով, ճանաչվում են հաշվետու կազմակերպության առանձին ֆինանսական հաշվետվությունների կամ արտերկրյա ստորաբաժանման անհատական ֆինանսական հաշվետվությունների շահույթում կամ վնասում: Այն ֆինանսական հաշվետվություններում, որոնք ներառում են և՛ արտերկրյա ստորաբաժանումը, և՛ հաշվետու կազմակերպությունը (օրինակ՝ ֆինանսական հաշվետվությունները, երբ արտերկրյա ստորաբաժանումը դուստր կազմակերպություն է), այդպիսի փոխարժեքային տարբերությունները սկզբնապես ճանաչվում են այլ համապարփակ ֆինանսական արդյունքում և սեփական կապիտալից վերադասակարգվում են որպես գուտ ներդրման օտարումից շահույթ կամ վնաս:

<i>Արտարժույթ</i>	<i>31.12.2025թ</i>	<i>31.12.2024թ</i>
1 Եվրո	449.01 դրամ	413.89 դրամ
1 ԱՄՆ դոլար	381.36 դրամ	396.56 դրամ
1 Ռուսական ռուբլի	4.87 դրամ	3.71 դրամ

4.8 Մեփական կապիտալ

Ընկերության կողմից թողարկվող կապիտալի գործիքները հաշվառվում են անվանական արժեքով: Շահաբաժիններ հայտարարելու և վճարելու Ընկերության կարողությունը կարգավորվում է Հայաստանի Հանրապետության օրենսդրությամբ սահմանված կանոնակարգերով: Շահաբաժիններն արտացոլվում են որպես չբաշխված շահույթի բաշխում այն ժամանակահատվածում, երբ հայտարարվում են:

4.9 Արժեզրկում

Հիմնական միջոցների և ոչ նյութական ակտիվների արժեզրկում

Անորոշ օգտակար ծառայության ժամկետ ունեցող ակտիվները չեն ամորտիզացվում և յուրաքանչյուր տարի ենթարկվում են արժեզրկման ստուգման: Մաշվող ակտիվները արժեզրկման համար վերանայվում են, երբ իրադարձությունները և հանգամանքների փոփոխությունները վկայում են այն մասին, որ դրանց հաշվեկշռային արժեքը կարող է չվերականգնվել: Արժեզրկման կորուստը ճանաչվում է այն գումարով, որով ակտիվի հաշվեկշռային արժեքը գերազանցում է փոխհատուցվող գումարը:

Փոխհատուցվող գումարը վաճառքի գուտ գնից և օգտագործման արժեքից առավելագույնն է: Եթե ակտիվի կամ դրամաստեղծ միավորի փոխհատուցվող գումարն ավելի փոքր է նրա հաշվեկշռային արժեքից, ապա ակտիվի կամ դրամաստեղծ միավորի հաշվեկշռային արժեքը նվազեցվում է մինչև փոխհատուցվող գումարը: Արժեզրկումից կորուստներն անմիջապես ճանաչվում են որպես ծախս շահույթի կամ վնասի և այլ համապարփակ ֆինանսական արդյունքի մասին հաշվետվությունում, բացառությամբ այն դեպքերի, երբ համապատասխան ակտիվը հաշվառվում է վերագնահատված արժեքով, որի դեպքում արժեզրկումից կորուստը դիտվում է որպես վերագնահատումից արժեքի նվազում:

Երբ հետագայում արժեզրկումից կորուստը հակադարձվում է, ապա ակտիվի կամ դրամաստեղծ միավորի հաշվեկշռային արժեքը պետք է ավելացվի մինչև նրա փոխհատուցվող գումարը, բայց այնպես, որ ակտիվի ավելացված հաշվեկշռային արժեքը չգերազանցի այն հաշվեկշռային արժեքը, որը որոշված կլիներ, եթե նախորդ տարիներին այդ ակտիվի կամ դրամաստեղծ միավորի գծով արժեզրկումից կորուստներ ճանաչված չլինեին: Արժեզրկումից կորստի հակադարձումն անմիջապես ճանաչվում է որպես եկամուտ շահույթի կամ վնասի և այլ համապարփակ ֆինանսական արդյունքի մասին հաշվետվությունում, բացառությամբ այն դեպքերի, երբ

համապատասխան ակտիվը հաշվառվում է վերագնահատված արժեքով, որի դեպքում արժեզրկումից կորստի ցանկացած հակադարձում դիտվում է որպես վերագնահատումից արժեքի աճ:

Ֆինանսական ակտիվների արժեզրկում

Յուրաքանչյուր հաշվետու ամսաթվի դրությամբ ֆինանսական ակտիվները, բացառությամբ այն ֆինանսական ակտիվների չափվող իրական արժեքով՝ շահույթի կամ վնասի միջոցով, գնահատվում են արժեզրկման հայտանիշի առկայության համար: Ֆինանսական ակտիվներն արժեզրկված են, եթե առկա է անկողմնակալ վկայություն, որ ֆինանսական ակտիվների սկզբնական ճանաչումից հետո տեղի ունեցած մեկ կամ մի քանի իրադարձություններ ազդել են ակնկալվող դրամական միջոցների հոսքերի վրա:

Ամորտիզացված արժեքով հաշվառվող ֆինանսական ակտիվների գծով արժեզրկման կորուստը հաշվառվում է ակտիվի հաշվեկշռային արժեքի և սկզբնական արդյունավետ տոկոսադրույքով գեղջված դրամական միջոցների ակնկալվող ապագա հոսքերի ներկա արժեքի միջև տարբերությամբ: Բոլոր ֆինանսական ակտիվների համար արժեզրկումից կորուստն ուղղակիորեն նվազեցվում է ֆինանսական ակտիվի հաշվեկշռային արժեքից, բացառությամբ առևտրային դեբիտորական պարտքերի, որոնց հաշվեկշռային արժեքը նվազեցվում է կասկածելի պարտքերի պահուստի միջոցով:

4.10 Շահութահարկ

Ընթացիկ շահութահարկը տարվա համար հարկվող շահույթից վճարվելիք հարկն է՝ հաշվետու ամսաթվին գործող կամ ըստ էության գործող հարկային դրույքաչափերով՝ հաշվի առնելով նախորդ տարիների համար վճարվելիք հարկերի ճշգրտումները:

Հետաձգված հարկը հաշվարկվում է ակտիվների ու պարտավորությունների հաշվեկշռային արժեքների և շահութահարկի հաշվարկման ժամանակ օգտագործվող համապատասխան հարկային բազաների միջև ժամանակավոր տարբերություններից: Հետաձգված հարկային պարտավորությունները ճանաչվում են բոլոր հարկվող ժամանակավոր տարբերությունների համար: Հետաձգված հարկային ակտիվները պետք է ճանաչվեն բոլոր նվազեցվող ժամանակավոր տարբերությունների համար այն չափով, որքանով որ հավանական է հարկվող արդյունքի ստացում, որի դիմաց կարող է օգտագործվել նվազեցվող ժամանակավոր տարբերությունը: Այսպիսի հետաձգված հարկային ակտիվներն ու պարտավորությունները չեն ճանաչվում, եթե ժամանակավոր տարբերությունն առաջանում է գուղվիլի սկզբնական ճանաչումից կամ այլ ակտիվների և պարտավորությունների սկզբնական ճանաչումից այնպիսի գործարքում, որը գործարքի պահին չի ազդում ոչ հաշվապահական շահույթի, ոչ էլ՝ հարկվող շահույթի վրա (բացի բիզնեսի միավորումներից):

Հետաձգված հարկային պարտավորությունները ճանաչվում են հարկվող ժամանակավոր տարբերությունների համար, որոնք կապված են դուստր ընկերություններում և ասոցիացված կազմակերպություններում ներդրումների ու համատեղ ձեռնարկումներում մասնակցությունների հետ, բացառությամբ այն դեպքերի, որտեղ Ընկերությունը ի վիճակի է վերահսկելու ժամանակավոր տարբերության հակադարձումը և հավանական է, որ ժամանակավոր տարբերությունը չի հակադարձվի տեսանելի ապագայում: Նմանատիպ ներդրումների և մասնակցությունների հետ կապված նվազեցվող ժամանակավոր տարբերություններից առաջացող հետաձգված հարկային ակտիվները ճանաչվում են միայն այն չափով, որով հավանական է հարկվող շահույթի առկա լինելը, որի դիմաց կարող է օգտագործվել ժամանակավոր տարբերությունը, և որը կմարվի տեսանելի ապագայում:

Հետաձգված հարկային ակտիվների հաշվեկշռային արժեքը վերանայվում է յուրաքանչյուր հաշվետու ժամանակաշրջանի վերջում և նվազեցվում է այն չափով, որով այլևս հավանական չէ, որ Ընկերությունը կստանա բավարար հարկվող շահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել:

Հետաձգված հարկային ակտիվներն ու պարտավորությունները չափվում են հարկերի այն դրույքների օգտագործմամբ, որոնց կիրառման մեջ լինելն ակնկալվում է ակտիվի իրացման կամ պարտավորության մարման ժամանակ՝ հիմք ընդունելով հարկերի այն դրույքները (և հարկային հարաբերություններ կարգավորող նորմատիվ իրավական ակտերը), որոնք ուժի մեջ են եղել կամ ըստ էության ուժի մեջ են եղել հաշվետու ժամանակաշրջանի վերջում: Հետաձգված հարկային պարտավորությունների և հետաձգված հարկային ակտիվների չափումն արտացոլում է հարկային հետևանքները, որոնք երևան են գալու կախված այն եղանակից,

որով Ընկերությունը հաշվետու ամսաթվի դրությամբ ակնկալում է փոխհատուցել կամ մարել իր ակտիվների կամ պարտավորությունների հաշվեկշռային արժեքները:

Հետաձգված հարկային ակտիվներն ու պարտավորությունները հաշվանցվում են, երբ կա իրավաբանորեն ամրագրված իրավունք՝ հաշվանցելու ընթացիկ հարկային ակտիվները ընթացիկ հարկային պարտավորությունների դիմաց, և երբ դրանք վերաբերում են շահութահարկին, որը գանձվում է նույն հարկային մարմնի կողմից, և Ընկերությունը մտադիր է գուտ հիմունքով մարել ընթացիկ հարկային պարտավորություններն ու ակտիվները:

4.11 Պահուստներ

Պահուստը ճանաչվում է ֆինանսական վիճակի մասին հաշվետվությունում, երբ Ընկերությունն ունի իրավական կամ կառուցողական պարտականություն՝ որպես անցյալ դեպքերի արդյունք, և եթե հավանական է, որ պարտականությունը մարելու նպատակով կպահանջվի տնտեսական օգուտների արտահոսք: Եթե դրա ազդեցությունը զգալի է, ապա պահուստը որոշվում է ապագա դրամական արտահոսքերի գեղչման միջոցով՝ օգտագործելով մինչև հարկումը տոկոսադրույքը, որն արտացոլում է դրամի ժամանակային արժեքի վերաբերյալ շուկայի ընթացիկ գնահատումները և, կիրառելիության դեպքում, պարտավորությանը վերագրվող յուրահատուկ ռիսկերը:

4.12 Աշխատակիցների հատուցումներ

Երբ աշխատակիցը հաշվառման ժամանակաշրջանի ընթացքում Ընկերությանը մատուցել է ծառայություն, Ընկերությունը աշխատակիցների կարճաժամկետ հատուցումների չգեղչված գումարը, որն ակնկալվում է վճարել այդ ծառայության դիմաց, ճանաչում է՝

ա) որպես պարտավորություն (հաշվեգրված ծախս)՝ արդեն վճարված ցանկացած գումար հանելուց հետո: Եթե արդեն վճարված գումարը գերազանցում է հատուցումների չգեղչված գումարը, Ընկերությունը ճանաչում է այդ տարբերությունը որպես ակտիվ (կանխավճարված ծախս)՝ այն չափով, որով կանխավճարը կհանգեցնի, օրինակ, ապագա վճարումների կրճատման կամ դրամական միջոցների վերադարձի և

բ) որպես ծախս, բացառությամբ այն դեպքերի, երբ այլ ստանդարտներով պահանջվում կամ թույլատրվում է հատուցումների գումարը ներառել մեկ այլ ակտիվի արժեքի մեջ (օրինակ, ՀՀՄՍ 2 «Պաշարներ» և ՀՀՄՍ 16 «Հիմնական միջոցներ» ստանդարտները):

Ընկերությունը փոխհատուցելի բացակայությունների ձևով աշխատակիցների կարճաժամկետ հատուցումների ակնկալվող ծախսումները ճանաչում է՝

ա) կուտակվող փոխհատուցելի բացակայությունների դեպքում՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքները ապագա փոխհատուցելի բացակայությունների նկատմամբ. և

բ) չկուտակվող փոխհատուցելի բացակայությունների դեպքում՝ այն ժամանակ, երբ բացակայությունը տեղի է ունենում:

4.13 Հասույթ գնորդների հետ կնքված պայմանագրերից

Հասույթը ճանաչվում է այն հատուցման չափով, որի ստացման իրավունքը Ընկերությունն ակնկալում է ունենալ՝ գնորդին ապրանքներ կամ ծառայություններ փոխանցելու դիմաց: Հասույթը ներկայացվում է գեղչերից, վերադարձներից և գնորդներին տրամադրվող այլ նվազեցումներից հետո՝ առանց ավելացված արժեքի հարկի և Ընկերության անունից գանձվող այլ հարկերի:

Ընկերության հիմնական հասույթը առաջանում է ծխախոտային արտադրանքի և այլ ապրանքների մեծածախ և մանրածախ իրացումից: Ապրանքների իրացումից հասույթը ճանաչվում է ժամանակի որոշակի պահին, երբ ապրանքների նկատմամբ վերահսկողությունը փոխանցվում է գնորդին: Որպես կանոն, վերահսկողության փոխանցումը տեղի է ունենում ապրանքների մատակարարման և գնորդի կողմից ընդունման պահին կամ

պայմանագրով սահմանված այլ պահին, երբ գնորդը ստանում է ապրանքներն օգտագործելու և դրանցից տնտեսական օգուտներ ստանալու կարողությունը:

Ծառայությունների մատուցումից հասույթը հիմնականում վերաբերում է վաճառքի կետերում ապրանքանիշերի ներկայացվածության, տեսանելիության, մերչենդայզինգի և հարակից մարքեթինգային ծառայություններին: Նշված ծառայությունների գծով հասույթը ճանաչվում է պայմանագրային պայմաններին համապատասխան՝ այն ժամանակ, երբ համապատասխան կատարողական պարտականությունը կատարվում է: Եթե ծառայության արդյունքը գնորդին փոխանցվում է կոնկրետ գործողության կամ հաշվետու ժամանակաշրջանում կատարված և հաստատված ծառայության հիման վրա, հասույթը ճանաչվում է տվյալ ծառայության կատարման կամ հաստատման պահին: Եթե ծառայությունները մատուցվում են շարունակական հիմունքով, հասույթը ճանաչվում է ժամանակի ընթացքում՝ մատուցված ծառայությունների ծավալին համապատասխան:

Գնորդներից ստացված կանխավճարները ճանաչվում են որպես պայմանագրային պարտավորություն և հասույթ չեն ճանաչվում մինչև այն պահը, երբ Ընկերությունը կատարում է համապատասխան ապրանքների փոխանցման կամ ծառայությունների մատուցման պարտականությունը:

Եթե պայմանագիրը պարունակում է մի քանի տարբերակելի ապրանքներ կամ ծառայություններ, գործարքի գինը բաշխվում է առանձին կատարողական պարտականություններին՝ դրանց հարաբերական ինքնուրույն վաճառքի գների հիման վրա: Գործարքի գնի փոփոխական բաղադրիչները, ներառյալ գեղչերը, բոնուսները կամ հետվճարները, ներառվում են հասույթի մեջ միայն այն չափով, որով բարձր հավանական է, որ հետագայում հասույթի էական հակադարձում տեղի չի ունենա:

5. Հիմնական միջոցներ

Հազար դրամ	Հոդ	Շենք- շինություն	Կառուցվածքներ	Մեքենաներ և սարքավորումներ	Տրանսպորտային միջոցներ	Արտադրական, տնտեսական գույք, գործիքներ	Ֆինանսական վարձակալությամբ ձեռքբերված ՀՄ-ներ	Օգտագործման իրավունքի ձևով ակտիվ	Ընդամենը
<i>Սկզբնական կամ վերագնահատված արժեք</i>									
2024թ. հունվարի 1-ի դրությամբ	708,196	397,275	3,825	21,586	330,837	650,044	-	113,576	2,225,339
Ավելացում	-	-	-	3,784	29,352	17,811	-	-	50,947
Դուրսգրում	-	-	-	-	(50,118)	-	-	(66,166)	(116,284)
Վերաչափում	-	-	-	-	-	-	-	(66)	(66)
2024թ. դեկտեմբերի 31-ի դրությամբ	708,196	397,275	3,825	25,370	310,071	667,855	-	47,344	2,159,936
Ավելացում	-	-	-	43,969	7,778	16,703	85,983	-	154,433
Դուրսգրում	-	-	-	-	(66,149)	-	-	-	(66,149)
Վերաչափում	-	-	-	-	-	-	-	(4)	(4)
2025թ. դեկտեմբերի 31-ի դրությամբ	708,196	397,275	3,825	69,339	251,700	684,558	85,983	47,340	2,248,216
<i>Կուտակված մաշվածություն</i>									
2024թ. հունվարի 1-ի դրությամբ	-	-	3,825	16,676	162,825	199,602	-	62,814	445,742
Տարվա ծախս	-	6,993	-	2,876	16,709	67,170	-	8,930	102,678
Դուրսգրում	-	-	-	-	(30,498)	-	-	(46,758)	(77,256)
Վերաչափում	-	-	-	-	-	-	-	51	51
2024թ. դեկտեմբերի 31-ի դրությամբ	-	6,993	3,825	19,552	149,036	266,772	-	25,037	471,215
Տարվա ծախս	-	6,992	-	5,889	15,031	67,448	4,766	6,756	106,883
Դուրսգրում	-	-	-	-	(44,368)	-	-	-	(44,368)
Վերաչափում	-	-	-	-	-	-	-	(3)	(3)

2025թ. դեկտեմբերի 31-ի դրությամբ	-	13,985	3,825	25,441	119,699	334,220	4,766	31,790	533,726
Հաշվեկշռային արժեք									
2024թ. դեկտեմբերի 31-ի դրությամբ	708,196	390,282	-	5,818	161,035	401,083	-	22,307	1,688,722
2025թ. դեկտեմբերի 31-ի դրությամբ	708,196	383,290	-	43,898	132,001	350,338	81,217	15,550	1,714,490

Ընկերության հողամասերը, շենք-շինությունները վերջին անգամ վերագնահատվել են լիցենզավորված անկախ գնահատող կազմակերպության կողմից 2024թ. փետրվարի 16-ին 2024թ. փետրվարի 16-ի դրությամբ: Ընկերությունը 2024թ. դեկտեմբերի 31-ի և 2025թ. դեկտեմբերի 31-ի դրությամբ որպես հիմնական միջոցների վերագնահատված արժեք հիմք է ընդունել վերոնշյալ վերագնահատված արժեքը, քանի որ անշարժ գույքի շուկայում էական փոփոխություններ տեղի չեն ունեցել:

Վերագնահատումից առաջացած աճը, հանած համապատասխան հետաձգված հարկերը, կրեդիտագրվել է վերագնահատման պահուստին՝ սեփական կապիտալի փոփոխությունների մասին հաշվետվությունում:

Բանկային վարկերն ապահովելու նպատակով Ընկերությունը 2025թ. դեկտեմբերի 31-ի դրությամբ ունի գրավադրված 1,092,464 հազար ՀՀ դրամ (2024թ. դեկտեմբերի 31-ի դրությամբ՝ 1,156,855 հազար ՀՀ դրամ) հաշվեկշռային արժեք ունեցող անշարժ գույք և տրանսպորտային միջոցներ:

Հաշվետու ամսաթվի դրությամբ Ընկերությունը վաճառքի համար պահվող, ժամանակավորապես շահագործումից հանված հիմնական միջոցներ չունի:

Հաշվետու ամսաթվի դրությամբ ամբողջությամբ մաշված հիմնական միջոցների սկզբնական արժեքը կազմում է 76,422 հազար ՀՀ դրամ (2024թ. դեկտեմբերի 31-ի դրությամբ՝ 135,920 հազար ՀՀ դրամ):

Հիմնական միջոցների գծով մաշվածության ծախսը բաշխվել է հետևյալ կերպ՝

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Իրացման ծախսեր	73,870	71,826
Վարչական ծախսեր	33,013	30,852
Ընդամենը	106,883	102,678

6. Պաշարներ

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Նյութեր	6,841	7,224
Ապրանքներ ընկերության պահեստներում	1,422,646	1,552,456
Ապրանքներ մաքսային պահեստում	1,156,931	4,027,144
Ընդամենը	2,586,418	5,586,824

Շարունակվող գործունեության գծով 2025 թվականի ընթացքում որպես ծախս ճանաչված պաշարների արժեքը կազմում է 6,660,864 հազար դրամ (2024 թվականի ընթացքում՝ 4,018,926 հազար դրամ):

Հաշվետու ամսաթվի դրությամբ Ընկերության պաշարներն ամբողջությամբ գրավադրված են բանկային վարկերի ապահովման նպատակով: Պաշարների հաշվեկշռային արժեքը ներկայացված է վերոնշյալ աղյուսակում:

7. Դեբիտորական պարտքեր և կանխավճարներ

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Առևտրային դեբիտորական պարտքեր	1,141,336	589,909
Տրված կանխավճարներ	53,466	24,705
Պետական բյուջեից դեբիտորական պարտքեր	450,811	119,370
Այլ կանխավճարներ	12,988	-
Ընդամենը	1,658,601	733,984

Ապրանքների իրացումից և ծառայությունների մատուցումից առաջացած առևտրային դեբիտորական պարտքի միջին տևողությունը կազմում է 52 օր (2024թ.՝ 43 օր): Ընկերության ղեկավարությունը հավատացած է, որ պետական բյուջեի գծով դեբիտորական պարտքերն ամբողջովին ենթակա են վերականգնման:

Ընկերությունը չի պահանջում գրավ առևտրային և այլ դեբիտորական պարտքերի համար:

Առևտրային դեբիտորական պարտքերի գծով Ընկերությունը կիրառում է ՖՀՄՍ 9-ով նախատեսված պարզեցված մոտեցումը և ակնկալվող պարտքային կորուստները չափում է ամբողջ ժամկետի ակնկալվող պարտքային կորուստների չափով: Ղեկավարության գնահատմամբ հաշվետու ամսաթվի դրությամբ ԱՊԿ գծով պահուստը էական չէ:

Հաշվետու ամսաթվի դրությամբ Ընկերության առևտրային դեբիտորական պարտքերից և դրանցից բխող դրամական պահանջի իրավունքներից առաջացող գումարները գրավադրված են բանկային վարկերի ապահովման նպատակով: Գրավադրված դեբիտորական պարտքերի հաշվեկշռային արժեքը ներկայացված է վերոնշյալ աղյուսակում:

8. Դրամական միջոցներ և դրանց համարժեքներ

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Կանխիկ միջոցներ	34,335	36,916
Ընթացիկ հաշիվներ բանկերում	76,264	65,594
Ընդամենը	110,599	102,510

Դրամական միջոցները պահվում են Հայաստանի Հանրապետությունում գործող բանկերում: Ղեկավարության գնահատմամբ՝ հաշվետու և նախորդ ժամանակաշրջանների վերջի դրությամբ դրամական միջոցների և դրանց համարժեքների գծով ակնկալվող պարտքային կորուստների պահուստը էական չէ:

Դրամական միջոցների և դրանց համարժեքների նկատմամբ սահմանափակումներ առկա չեն:

9. Սեփական կապիտալ

9.1 Բաժնետիրական կապիտալ

Ընկերության բաժնետիրական կապիտալը 2025թ. ընթացքում չի փոփոխվել և կազմել է 522,610 հազար ՀՀ դրամ, որը բաղկացած է 1,802,103 ՀՀ դրամ անվանական արժեքով 290 հատ (2024թ.՝ 1,802,103 ՀՀ դրամ անվանական արժեքով 290 հատ) անվանական բաժնետոմսերից: Ընկերության բաժնետիրական կապիտալը ամբողջությամբ տեղաբաշխված է, լրիվ վճարված և 2025թ. դեկտեմբերի 31-ի դրությամբ պատկանում է Ընկերության երկու բաժնետերերին հետևյալ համամասնությամբ.

	2025թ. դեկտեմբերի 31-ի դրությամբ		2024թ. դեկտեմբերի 31-ի դրությամբ	
Բաժնետեր	Արժեթղթերի քանակ	Բաժնեչափ %	Արժեթղթերի քանակ	Բաժնեչափ %
Շահբազյան Կարո Լյովայի	98	33.79%	98	33.79%
Մանվելյան Արտուր Էդուարդի	192	66.21%	96	33.10%
Արսենյան Արսեն	-		96	33.10%
Ընդամենը	290	100%	290	100%

Բանկային վարկերն ապահովելու նպատակով Ընկերության բաժնետերերը ստանձնել են անձնական երաշխավորություններ, ինչպես նաև բոլոր բաժնետոմսերը գրավադրված են:

9.2 Պահուստային հիմնադրամ

Ընկերության կանոնադրության հիման վրա, կանոնադրական կապիտալի 15 տոկոսի չափով ձևավորում է պահուստային հիմնադրամ, որը հաշվետու տարվա վերջին կազմել է 60,130 հազար ՀՀ դրամ (2024թ.՝ 60,130 հազար ՀՀ դրամ):

9.3 Հիմնական միջոցների վերագնահատման պահուստ

Հիմնական միջոցների վերագնահատման պահուստն առաջանում է շենք-շինությունների և հողամասերի վերագնահատումից: Հիմնական միջոցների վերագնահատումից արժեքի աճը, որը ներառված էր սեփական կապիտալում, ուղղակիորեն վերագրվում է չբաշխված շահույթին, երբ ակտիվները ապաճանաչվում են: Վերագնահատումից արժեքի աճի ամբողջի վերագրումը չբաշխված շահույթին իրականացվում է, երբ ակտիվը դուրս է գրվում կամ օտարվում է:

9.4 Լրացուցիչ կապիտալ

Ընկերությունը բաժնետերերից ստացել է երկարաժամկետ փոխառություններ, որոնց իրական արժեքը սկզբնական ճանաչման պահին պայմանագրով որոշված ապագա դրամական հոսքերի ներկա արժեքն է՝ զեղչված շուկայում կիրառվող համանման պարտավորության տոկոսադրույքով: Այդ զեղչումից առաջացած անվանական և իրական արժեքների տարբերությունը ճանաչվել է սեփական կապիտալում՝ որպես լրացուցիչ կապիտալ (տես՝ ծանոթագրություն 10):

2025թ. ընթացքում լրացուցիչ կապիտալի աճը կազմել է 25,690 հազար դրամ և վերաբերում է բաժնետերերից նախկինում ստացված երկարաժամկետ անտոկոս փոխառությունների սկզբնական ճանաչման ժամանակ սեփական կապիտալում արտացոլված գործարքի հետ կապված հետաձգված հարկային պարտավորության հակադարձմանը:

Նշված հետաձգված հարկային պարտավորությունը նախկինում ճանաչվել էր բաժնետերերից ստացված փոխառությունների անվանական արժեքի և սկզբնական ճանաչման իրական արժեքի տարբերության գծով՝ համապատասխան ազդեցությունը սեփական կապիտալում արտացոլելով որպես բաժնետերերի հետ գործարք: 2025թ. ընթացքում համապատասխան փոխառությունների վաղաժամկետ մարման հետևանքով այդ ժամանակավոր տարբերությունը հակադարձվել է, և դրա հետ կապված հետաձգված հարկային պարտավորության հակադարձումը ճանաչվել է սեփական կապիտալում՝ նույն գործարքի սկզբնական ներկայացման տրամաբանությանը համապատասխան:

9.5 Շահաբաժիններ

Շահույթի բաշխումը Ընկերության բաժնետերերի միջև իրականացվում է ընդհանուր ժողովի որոշմամբ բաժնետիրական կապիտալում բաժնետերերի ունեցած բաժնեչափերին համապատասխան՝ ՀՀ օրենսդրությամբ սահմանված կարգով: Հաշվետու և նախորդ հաշվետու տարիների ընթացքում Ընկերության կողմից շահաբաժիններ չեն հայտարարվել և չեն վճարվել:

10. Վարկեր և փոխառություններ

Հազար դրամ	Ընթացիկ		Ոչ ընթացիկ	
	2025թ.	2024թ.	2025թ.	2024թ.
	դեկտեմբերի 31-ի դրությամբ	դեկտեմբերի 31-ի դրությամբ	դեկտեմբերի 31-ի դրությամբ	դեկտեմբերի 31-ի դրությամբ
<i>Չապահովված փոխառություններ կապակցված կողմերից</i>				
Փոխառություններ	218,064	233,093	-	405,513
<i>Չապահովված փոխառություններ այլ կողմերից</i>				
Փոխառություններ	-	29,873	-	-
	218,064	262,966	-	405,513
<i>Ապահովված վարկեր</i>				
Վարկեր	455,803	2,272,808	1,736,591	532,224
Լիզինգ	-	-	65,748	-
	455,803	2,272,808	1,802,339	532,224
Ընդամենը	673,867	2,535,774	1,802,339	937,737

Հազար դրամ	Իրական արժեք		Հաշվեկշռային արժեք	
	2025թ.	2024թ.	2025թ.	2024թ.
	դեկտեմբերի 31-ի դրությամբ	դեկտեմբերի 31-ի դրությամբ	դեկտեմբերի 31-ի դրությամբ	դեկտեմբերի 31-ի դրությամբ
Փոխառություններ	218,064	668,479	218,064	668,479
Վարկեր	2,192,394	2,805,032	2,192,394	2,805,032
Լիզինգ	65,748	-	65,748	-
Ընդամենը	2,476,206	3,473,511	2,476,206	3,473,511

Ընկերության բանկային վարկերը ապահովված են Ընկերությանը և/կամ կապակցված անձանց պատկանող ակտիվների գրավադրմամբ, ինչպես նաև երաշխավորություններով: Վարկային պարտավորությունների ապահովման փաթեթը ներառում է անշարժ գույքի, տրանսպորտային միջոցների, շրջանառության մեջ գտնվող ապրանքանյութական պաշարների, առևտրային դեբիտորական պարտքերի/դրամական պահանջի իրավունքների գրավադրում, ինչպես նաև Ընկերության բաժնետոմսերի գրավադրում բաժնետերերի կողմից և բաժնետերերի կողմից տրամադրված երաշխավորություններ: Վերոնշյալ ապահովման միջոցների վերաբերյալ մանրամասն տեղեկատվությունը ներկայացված է համապատասխանաբար՝ 5-րդ, 6-րդ, 7-րդ և 9-րդ ծանոթագրություններում:

Ստորև ներկայացվում են դեռևս չմարված վարկերի և փոխառությունների պայմանները.

				Անվանական արժեք	
Հազար դրամ	Արժույթ	Անվանական %	Մարման տարին	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Վարկեր					
Բանկային վարկեր	ԱՄՆ դոլար	7.50%	2025	-	268,934
Բանկային վարկեր	ԱՄՆ դոլար	7.90%	2025	-	11,987
Բանկային վարկեր	ԱՄՆ դոլար	9.00%	2025	-	164,980
Բանկային վարկեր	ԱՄՆ դոլար	9.00%	2025	-	102,249
Բանկային վարկեր	ՀՀ դրամ	12.00%	2025	-	1,318,917
Բանկային վարկեր	ՀՀ դրամ	12.50%	2027	184,427	116,584
Բանկային վարկեր	ԱՄՆ դոլար	8.00%	2026	22,888	71,381
Բանկային վարկեր	ՀՀ դրամ	12.00%	2026	432,917	-
Բանկային վարկեր	ՀՀ դրամ	12.00%	2030	1,043,733	-
Վարկեր՝ վարկային կազմակերպություններից	ՀՀ դրամ	13.00%	2027	229,321	350,000
Վարկեր՝ վարկային կազմակերպություններից	ՀՀ դրամ	14.50%	2027	279,109	400,000
Լիզինգ	ՀՀ դրամ	8.50%	2030	76,572	-
Ընդամենը				2,268,967	2,805,032
Փոխառություններ					
Կապակցված կողմերից					
Անտոկոս	ՀՀ դրամ	0.00%	2025	-	252,000
Անտոկոս	ՀՀ դրամ	0.00%	2026	240,000	551,139
Այլ կողմերից					
Անտոկոս	ՀՀ դրամ	0.00%	2025	-	30,000
Ընդամենը				240,000	833,139

11. Վարձակալություն

Ընկերությունը հաշվետու և նախորդ ժամանակաշրջանում ունեցել է վարձակալված տարածքներ, տրանսպորտային միջոցներ և GPRS սարքավորումներ, որոնք օգտագործվում է իր գործունեության իրականացման համար:

Ընկերության տարածքների վարձակալության պայմանագրերի ոչ չեղարկելի ժամկետը 5-7 տարի է, իսկ տրանսպորտային միջոցներինը 3-5 տարի:

Օգտագործման իրավունքի ձևով ակտիվի հաշվեկշռային արժեքը բացահայտված է ծանոթագրություն 5-ում:

Ընկերությունը ակտիվի օգտագործման իրավունքի չափման համար կիրառում է ՖՀՄՍ 16-ով նախատեսված ինքնարժեքի մոդելը:

Ընկերությունը ակտիվի օգտագործման իրավունքի մաշվածության համար կիրառում է գծային մեթոդ:

Օգտագործման իրավունքի ձևով ակտիվի գծով մաշվածության գումարը բացահայտված է ծանոթագրություն 5-ում:

Վարձակալության գծով տոկոսային ծախս բացահայտված է ծանոթագրություն 19-ում:

Հաշվետու տարում և նախորդ ժամանակաշրջանում Ընկերությունը չի ունեցել կարճաժամկետ վարձակալության պայմանագրեր:

Հաշվետու տարում և նախորդ ժամանակաշրջանում Ընկերությունը ունեցել է վարձակալած փոքրարժեք ակտիվներ (GPRS սարքավորումներ):

Հաշվետու տարում վարձակալության գծով ամսական վարձավճարը կազմում է՝ 892 հազար ՀՀ դրամ (2024թ՝ 892 հազար ՀՀ դրամ)՝ առանց հարկերի:

Ժամկետի վերլուծություն՝ պայմանագրային չգեղջված դրամական հոսքեր.

Հազար դրամ	2025թ.	2024թ.
մինչև 1 տարի	10,701	10,701
1-ից երեք տարի	13,585	19,152
ավելին, քան 3 տարի	-	5,134
Ընդամենը	24,286	34,987

Ֆինանսական վիճակի մասին հաշվետվությունում ներկայացված վարձակալության գծով պարտավորությունները ներկայացված են ստորև .

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Երկարաժամկետ վարձակալությունների գծով պարտավորության ոչ ընթացիկ մաս	13,657	22,651
Երկարաժամկետ վարձակալությունների գծով պարտավորության ընթացիկ մաս	8,995	7,993
Փոքրաթեք ակտիվների վարձակալությունների գծով պարտավորություն	-	342
Ընդամենը	22,652	30,986

12. Հետաձգված հարկային պարտավորություններ

Ընկերությունը ենթակա է որոշակի մշտական հարկային տարբերությունների, որոնք պայմանավորված են որոշակի ծախսերի՝ հարկային տեսանկյունից չնվազեցվող լինելու, ինչպես նաև որոշակի եկամուտների՝ հարկային տեսանկյունից չհարկվող համարվելու հետ:

Հետաձգված հարկերն իրենցից ներկայացնում են ֆինանսական հաշվառման և հարկային հաշվառման նպատակով օգտագործված՝ ակտիվների և պարտավորությունների հաշվեկշռային արժեքների միջև ժամանակավոր տարբերությունների զուտ հարկային հետևանքները: 2025թ. դեկտեմբերի 31-ի դրությամբ ժամանակավոր տարբերություններն առավելապես իրենցից ներկայացնում են եկամուտների և ծախսերի ճանաչման տարբեր մեթոդներ/ժամկետներ, ինչպես նաև՝ հարկային հաշվառման մեջ որոշակի ակտիվների համար հարկվող բազայի գոյացման ժամանակավոր տարբերություններ: Հաշվետու և նախորդ ժամանակաշրջանների համար շահութահարկի կիրառելի դրույքաչափը կազմում է 18%:

Հետաձգված հարկերի շարժը ներկայացված է ստորև.

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Տարեսկզբի մնացորդ	231,515	206,665
Շահույթում կամ վնասում ճանաչված	57,861	(4,766)
Այլ համապարփակ ֆինանսական արդյունքներում ճանաչված	-	-
Սեփական կապիտալում ճանաչված	(25,690)	29,616
Տարեվերջի մնացորդ	263,686	231,515

2025թ. դեկտեմբերի 31-ին ավարտված տարվա հետաձգված հարկերը խմբավորված են հետևյալ կերպ.

Հազար դրամ	2025թ. դեկտեմբերի 31-ի դրությամբ	Շահույթում կամ վնասում ճանաչված	Սեփական կապիտալում ճանաչված	2025թ. հունվարի 1-ի դրությամբ
<i>Հետաձգված հարկային ակտիվներ</i>				
Առևտրային դեբիտորական պարտքեր	-	-	-	-
Հարկային վնաս	-	(44,018)	-	44,018

Զօգտագործված արձակուրդային պահուստ	1,344	384	-	960
Վարձակալություն	4,070	(1,438)	-	5,508
Ընդամենը հետաձգված հարկային ակտիվներ	5,414	(45,072)	-	50,486
<i>Հետաձգված հարկային պարտավորություններ</i>				
Հիմնական միջոցներ	(247,632)	715	-	(248,347)
Օգտագործման իրավունքի ձևով ակտիվ	(2,799)	1,216	-	(4,015)
Առևտրային կրեդիտորական պարտքեր	(14,720)	(14,720)	-	-
Ստացված փոխառություններ	(3,949)	-	25,690	(29,639)
Ընդամենը հետաձգված հարկային պարտավորություններ	(269,100)	(12,789)	25,690	(282,001)
Զուտ արդյունք - հետաձգված հարկային պարտավորություններ	(263,686)	(57,861)	25,690	(231,515)

2024թ. դեկտեմբերի 31-ին ավարտված տարվա հետաձգված հարկերը խմբավորված են հետևյալ կերպ.

Հազար դրամ	2024թ. դեկտեմբերի 31-ի դրությամբ	Շահույթում կամ վնասում ճանաչված	Սեփական կապիտալում ճանաչված	2024թ. հունվարի 1-ի դրությամբ
<i>Հետաձգված հարկային ակտիվներ</i>				
Առևտրային դեբիտորական պարտքեր	-	(533)	-	533
Հարկային վնաս	44,018	44,018	-	-
Զօգտագործված արձակուրդային պահուստ	960	(1,415)	-	2,375
Վարձակալություն	5,508	(5,795)	-	11,303
Ընդամենը հետաձգված հարկային ակտիվներ	50,486	36,275	-	14,211
<i>Հետաձգված հարկային պարտավորություններ</i>				
Հիմնական միջոցներ	(248,347)	(36,577)	-	(211,770)
Օգտագործման իրավունքի ձևով ակտիվ	(4,015)	5,091	-	(9,106)
Ստացված փոխառություններ	(29,639)	(23)	(29,616)	-
Ընդամենը հետաձգված հարկային պարտավորություններ	(282,001)	(31,509)	(29,616)	(220,876)
Զուտ արդյունք - հետաձգված հարկային պարտավորություններ	(231,515)	4,766	(29,616)	(206,665)

13. Առևտրային կրեդիտորական և այլ պարտավորություններ

	Ընթացիկ		Ոչ ընթացիկ	
Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Առևտրային կրեդիտորական պարտքեր	1,186,528	183,626	-	-
Փոքրարժեք ակտիվների վարձակալությունների գծով պարտավորություն	-	342	-	-
Ստացված կանխավճարներ	10,454	405	-	-

Պարտավորություններ պետական բյուջեին	10,893	13,652	-	-
Պարտավորություններ պետական բյուջեին ակցիզային հարկի գծով	771,872	959,693	-	1,962,480
Չօգտագործված արձակուրդայինի գծով պահուստ	7,473	5,337	-	-
Այլ	412	2	-	-
Ընդամենը	1,987,632	1,163,057	-	1,962,480

Առևտրային կրեդիտորական պարտքերի մարման միջին տևողությունը կազմում է 65 օր (2024թ.՝ 17 օր):

Ակցիզային հարկի գծով պարտավորությունը վերաբերում է հաշվետու ամսաթվի դրությամբ մաքսային պահեստում գտնվող ներմուծված ծխախոտային արտադրանքին: Համաձայն կիրառելի օրենսդրության՝ մաքսային պահեստում գտնվող և դեռևս չմաքսագերծված ապրանքների գծով ակցիզային հարկը փաստացի հաշվարկվում և վճարվում է այն պահին, երբ ապրանքները հայտարարագրվում են, մաքսագերծվում և տեղափոխվում են Ընկերության պահեստ կամ ազատ շրջանառության մեջ:

Այնուամենայնիվ, քանի որ նշված ապրանքների հետագա մաքսագերծումը անհրաժեշտ պայման է դրանց իրացման կամ Ընկերության բնականոն գործունեության մեջ օգտագործման համար, իսկ կիրառելի ակցիզային հարկի դրույքաչափերը հաշվետու ամսաթվի դրությամբ հայտնի են, Ընկերությունը հաշվետու ամսաթվի դրությամբ գնահատում և ճանաչում է մաքսային պահեստում առկա ապրանքներին վերագրվող ակցիզային հարկի պարտավորությունը: Նշված գումարը ներառվում է համապատասխան պաշարների ինքնարժեքում և ճանաչվում է որպես ակցիզային հարկի գծով պարտավորություն:

2025թ. ընթացքում ակցիզային հարկի գծով վճարումները ներառել են ինչպես նախորդ հաշվետու ամսաթվերի դրությամբ մաքսային պահեստում գտնվող և հետագայում մաքսագերծված ապրանքների գծով վճարումները, այնպես էլ հաշվետու տարվա ընթացքում ներմուծված և անմիջապես մաքսագերծված ապրանքների գծով վճարված ակցիզային հարկը: Այդ պատճառով տարվա ընթացքում ակցիզային հարկի գծով կատարված վճարումները ուղղակիորեն չեն համադրվում միայն նախորդ տարվա վերջի ակցիզային հարկի պարտավորության մնացորդի հետ:

2025թ. դեկտեմբերի 31-ի դրությամբ ակցիզային հարկի գծով ճանաչված պարտավորությունը կազմել է 771,872 հազար դրամ և ներկայացված է ընթացիկ պարտավորությունների կազմում, քանի որ դեկավարության գնահատմամբ համապատասխան ապրանքները նախատեսվում է մաքսագերծել մինչև 2026թ. դեկտեմբերի 31-ը:

14. Հասույթ

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Ապրանքների իրացումից	8,045,646	5,061,634
Ծառայությունների մատուցում	143,524	-
Ընդամենը	8,189,170	5,061,634

Հաճախորդների հետ պայմանագրերից հասույթը տրոհված՝

Հազար դրամ	Ապրանքների իրացումից			Ծառայությունների մատուցումից			Ընդամենը			
	Հայաստան	ԵՏՄ երկրներ	Այլ	Հայաստան	ԵՏՄ երկրներ	Այլ	Հայաստան	ԵՏՄ երկրներ	Այլ	Ընդամենը
2025թ.										
Սեզմենտի հասույթ՝	7,497,505	101,154	446,987	-	-	143,524	7,497,505	101,154	590,511	8,189,170
Կապակցված կողմերին	-	-	-	-	-	-	-	-	-	-
Այլ կողմերին	7,497,505	101,154	446,987	-	-	143,524	7,497,505	101,154	590,511	8,189,170
										-
Սեզմենտի հասույթ ըստ ճանաչման ժամանակացույցի	7,497,505	101,154	446,987	-	-	143,524	7,497,505	101,154	590,511	8,189,170
Ժամանակի որոշակի պահին	7,497,505	101,154	446,987	-	-	143,524	7,497,505	101,154	590,511	8,189,170
Ժամանակի ընթացքում	-	-	-	-	-	-	-	-	-	-
										-
Սեզմենտի հասույթ ըստ պայմանագրի տևողության	7,497,505	101,154	446,987	-	-	143,524	7,497,505	101,154	590,511	8,189,170
Կարճաժամկետ պայմանագրեր	7,497,505	101,154	446,987	-	-	143,524	7,497,505	101,154	590,511	8,189,170
Երկարաժամկետ պայմանագրեր	-	-	-	-	-	-	-	-	-	-
										-
Սեզմենտի հասույթ ըստ գնորդի տեսակի	7,497,505	101,154	446,987	-	-	143,524	7,497,505	101,154	590,511	8,189,170
Մեծածախ վաճառք	5,921,783	101,154	446,987	-	-	143,524	5,921,783	101,154	590,511	6,613,448
Մանրածախ վաճառք	1,575,722			-	-	-	1,575,722	-	-	1,575,722
Հազար դրամ	Ապրանքների իրացումից			Ծառայությունների մատուցումից			Ընդամենը			
2024թ.	Հայաստան	ԵՏՄ երկրներ	Այլ	Հայաստան	ԵՏՄ երկրներ	Այլ	Հայաստան	ԵՏՄ երկրներ	Այլ	Ընդամենը
Սեզմենտի հասույթ՝	4,999,045	1,900	60,689	-	-	-	4,999,045	1,900	60,689	5,061,634
Կապակցված կողմերին	-	-	-	-	-	-	-	-	-	-
Այլ կողմերին	4,999,045	1,900	60,689	-	-	-	4,999,045	1,900	60,689	5,061,634
Սեզմենտի հասույթ ըստ ճանաչման ժամանակացույցի	4,999,045	1,900	60,689	-	-	-	4,999,045	1,900	60,689	5,061,634

Ժամանակի որոշակի պահին	4,999,045	1,900	60,689	-	-	-	4,999,045	1,900	60,689	5,061,634
Ժամանակի ընթացքում	-	-	-	-	-	-	-	-	-	-
Սեզմենտի հասույթ ըստ պայմանագրի տնողության	4,999,045	1,900	60,689	-	-	-	4,999,045	1,900	60,689	5,061,634
Կարճաժամկետ պայմանագրեր	4,999,045	1,900	60,689	-	-	-	4,999,045	1,900	60,689	5,061,634
Երկարաժամկետ պայմանագրեր	-	-	-	-	-	-	-	-	-	-
Սեզմենտի հասույթ ըստ գնորդի տեսակի	4,999,045	1,900	60,689	-	-	-	4,999,045	1,900	60,689	5,061,634
Մեծածախ վաճառք	3,311,278	1,900	60,689	-	-	-	3,311,278	1,900	60,689	3,373,867
Մանրածախ վաճառք	1,687,767	-	-	-	-	-	1,687,767	-	-	1,687,767

15. Վաճառքի ինքնարժեք

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Վաճառված ապրանքների ինքնարժեք	6,643,169	3,991,173
Ընդամենը	6,643,169	3,991,173

16. Իրացման ծախսեր

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Հատուցումներ աշխատակիցներին	302,710	362,640
Մաշվածություն	73,870	71,826
Վառելիքի գծով ծախսեր	35,665	42,106
Տրանսպորտային և ապահովագրական ծախսեր	70,881	5,093
Վարձակալության գծով ծախսեր	3,439	3,278
Հիմնական միջոցների վերանորոգման և սպասարկման ծախսեր	23,960	36,011
Գովազդային և մարքեթինգային ծախսեր	219,215	183,088
Իրացման այլ ծախսեր	3,120	-
Ընդամենը	732,860	704,042

17. Վարչական ծախսեր

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Հատուցումներ աշխատակիցներին	264,003	263,913
Մաշվածություն և ամորտիզացիա	33,013	30,928
Հիմնական միջոցների վերանորոգման և սպասարկման ծախսեր	5,643	16,770
Մասնագիտական և խորհրդատվական ծախսեր	4,680	5,548
Փոստի և հեռահաղորդակցության ծախսեր	6,896	8,264
Գրասենյակային և կոմունալ ծախսեր	29,993	33,359
Գործուղման և ներկայացուցչական ծախսեր	8,440	6,808
Բանկային և ապահովագրական ծախսեր	14,794	5,799
Չփոխհատուցվող հարկեր	54,181	10,677
Վարչական այլ ծախսեր	15,634	1,678
Ընդամենը	437,277	383,744

18. Զուտ ֆինանսական ծախս

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
<i>Ֆինանսական եկամուտ</i>		
Առևտրային կրեդիտորական պարտքերի զեղչումից եկամուտ	83,467	
Ֆինանսական եկամուտ ճանաչման պահին փոխառությունների զեղչումից	-	318
	83,467	318

<i>Ֆինանսական ծախս</i>		
Հաշվեգրված տոկոսներ վարկերի գծով	(302,319)	(278,518)
Հաշվեգրված տոկոսներ փոխառությունների գծով	(79,761)	(70,251)
Հաշվեգրված տոկոսներ կրեդիտորական պարտքերի գծով	(1,691)	-
Վարձակալության գծով տոկոսային ծախսեր	(3,049)	(4,141)
Լիզինգի գծով տոկոսային ծախսեր	(7,465)	-
	(394,285)	(352,910)
Զուտ ֆինանսական ծախս	(310,818)	(352,592)

19. Փոխարժեքային տարբերություններից զուտ օգուտ

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
<i>Փոխարժեքային տարբերություններից օգուտ</i>		
Դրամական միջոցներ	10,378	31,696
Առևտրային և այլ դեբիտորական պարտքեր	77	-
Առևտրային և այլ կրեդիտորական պարտքեր	3,851	30,807
Վարկեր և փոխառություններ	27,842	94,581
Լիզինգ	13,925	-
	56,073	157,084
<i>Փոխարժեքային տարբերություններից վնաս</i>		
Դրամական միջոցներ	(10,292)	(34,617)
Առևտրային և այլ դեբիտորական պարտքեր	(1,003)	-
Առևտրային և այլ կրեդիտորական պարտքեր	(779)	(2,429)
Վարկեր և փոխառություններ	(16,551)	(55,884)
Լիզինգ	(12,380)	-
	(41,005)	(92,930)
Փոխարժեքային տարբերություններից զուտ օգուտ	15,068	64,154

20. Այլ ոչ գործառնական օգուտ / (վնաս)

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Վարձակալության վերաչափումից օգուտ	6	3,726
Վարձակալության վերաչափումից վնաս	-	(61)
Ֆինանսական պարտավորության վերաչափումից օգուտ	150,117	-
Ֆինանսական պարտավորության վերաչափումից վնաս	(213,080)	-
Հիմնական միջոցների օտարումից օգուտ	26,410	19,625
Հիմնական միջոցների օտարումից վնաս	(21,782)	(19,620)
Այլ ոչ գործառնական օգուտ (վնաս)	(58,329)	3,671

21. Շահութահարկի գծով (ծախս) / փոխհատուցում

Հազար դրամ	2025թ. դեկտեմբերի 31-ին ավարտված տարի	2024թ. դեկտեմբերի 31-ին ավարտված տարի
Ընթացիկ	(16,751)	-
Հետաձգված	(57,861)	4,766
Ընդամենը	(74,612)	4,766

Արդյունավետ հարկային դրույքաչափի համադրումը ներկայացված է ստորև.

Հազար դրամ	2025թ. դեկտեմբերի 31-ին ավարտված տարի	Արդյունավետ հարկային դրույքաչափ (%)	2024թ. դեկտեմբերի 31-ին ավարտված տարի	Արդյունավետ հարկային դրույքաչափ (%)
Շահույթ/(վնաս) մինչև հարկումը (համաձայն ՖՀՄՍ)	46,581		(299,884)	
Շահութահարկ՝ 18%	(8,385)	18%	53,979	18%
Չնվազեցվող ծախսեր/(չհարկվող եկամուտներ), զուտ	(66,227)	142%	(49,213)	-16%
Շահութահարկի գծով ծախս/(փոխհատուցում)	(74,612)	160%	4,766	2%

22. Կարևոր հաշվապահական գնահատումներ և դատողություններ

Ենթադրությունները և դատողությունները շարունակաբար գնահատվում են և հիմնված են պատմական փորձի, ինչպես նաև այլ ցուցանիշների վրա, ներառյալ ապագա ակնկալվող իրադարձությունները, որոնք տվյալ հանգամանքներում համարվում են ընդունելի:

22.1 Կարևոր հաշվապահական գնահատումներ

Ընկերությունն իրականացնում է ապագային վերաբերող գնահատումներ և ենթադրություններ: Այդ հաշվապահական գնահատականները կարող են չհամապատասխանել իրական արդյունքներին: Ստորև ներկայացված են այն գնահատումներն ու ենթադրությունները, որոնց գծով առկա է ռիսկ, որ հաջորդ ֆինանսական տարում ակտիվների և պարտավորությունների հաշվեկշռային արժեքները կենթարկվեն էական ճշգրտումների:

Հիմնական միջոցների օգտակար ծառայության ժամկետներ

Ղեկավարությունը կատարել է հիմնական միջոցների օգտակար ծառայության ժամկետների գնահատում: Ղեկավարության համոզմամբ գնահատված հիմնական միջոցների օգտակար ծառայության ժամկետներն էականորեն չեն տարբերվում այդ ակտիվների տնտեսական կյանքից: Եթե հիմնական միջոցների փաստացի օգտակար ծառայության ժամկետները տարբերվեն գնահատումներից, ապա ֆինանսական հաշվետվությունները կարող են էականորեն տարբերվել:

Պաշարներ

Ղեկավարությունը գնահատում է պաշարների զուտ իրացման արժեքը՝ հաշվի առնելով յուրաքանչյուր հաշվետու ամսաթվի դրությամբ հասանելի ամենավստահելի ապացույցները: Այս պաշարների ապագա իրացման վրա կարող են ազդեցություն ունենալ ապագա տեխնոլոգիաները կամ շուկայով առաջնորդվող այլ փոփոխությունները, որը կարող է նվազեցնել ապագա վաճառքի գները:

23. Ֆինանսական գործիքներ

23.1 Հաշվապահական հաշվառման քաղաքականություններ

Ֆինանսական ակտիվի և ֆինանսական պարտավորության յուրաքանչյուր դասի համար կիրառված հաշվապահական հաշվառման քաղաքականությունը և ընդունված մեթոդների մանրամասները, ինչպես նաև եկամտի և ծախսերի ճանաչման չափանիշներն ու հիմքերը ներկայացված են ծանոթագրություն 4.6-ում:

23.2 Ֆինանսական գործիքների կատեգորիաները

Ֆինանսական ակտիվների և պարտավորությունների հաշվեկշռային արժեքներն ըստ կատեգորիաների ներկայացված են ստորև.

Ֆինանսական ակտիվներ

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
<i>Ամորտիզացված արժեքով հաշվառվող ֆինանսական ակտիվներ</i>		
Առևտրային դեբիտորական պարտքեր	1,141,336	589,909
Դրամական միջոցներ և դրանց համարժեքներ	110,599	102,510
Ընդամենը	1,251,935	692,419

Ֆինանսական պարտավորություններ

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
<i>Ամորտիզացված արժեքով հաշվառվող ֆինանսական պարտավորություններ</i>		
Վարկեր և փոխառություններ	2,476,206	3,473,511
Վարձակալություն	22,652	30,644
Առևտրային կրեդիտորական պարտքեր	1,186,528	183,968
Ընդամենը	3,685,386	3,688,123

24. Ֆինանսական ռիսկի կառավարման ուղղություններ

Ֆինանսական գործիքների հետ կապված՝ Ընկերությունը ենթարկվում է զանազան ռիսկերի: Այս ռիսկերն են շուկայական ռիսկը, պարտքային ռիսկը, իրացվելիության ռիսկը և տոկոսադրույքի ռիսկը: Առավել էական ֆինանսական ռիսկերը, որոնց Ընկերությունը կարող է ենթարկվել, նկարագրված են ստորև:

Ֆինանսական ռիսկի գործոններ

ա) Շուկայական ռիսկ

Ֆինանսական գործիքների օգտագործման ընթացքում Ընկերությունը ենթարկվում է շուկայական ռիսկի, հատկապես՝ արտարժույթային ռիսկի, որը բխում է գործառնական գործունեությունից:

✓ Արտարժույթային ռիսկ

Ընկերությունը գործարքներ է իրականացնում արտարժույթով և, հետևաբար, ենթարկվում է արտարժույթի փոխարժեքային տատանումների ազդեցությանը:

Ընկերության գործարքների հիմնական մասն իրականացվում է հայկական դրամով: Արտարժույթի փոխարժեքային տատանումներից կախվածությունն առաջանում է Ընկերության՝ արտերկրյա ձեռքբերումներից, որոնք, ի սկզբանե, արտահայտված են ԱՄՆ դոլարով: Բացի այդ Ընկերությունն ունի ԱՄՆ դոլարով վարկեր և մնացորդներ բանկերում:

Արտարժույթով արտահայտված ֆինանսական ակտիվներն ու պարտավորություններն, որոնք Ընկերությանը ենթարկվում են արտարժույթային ռիսկի, ներկայացված են ստորև.

2025թ. դեկտեմբերի 31-ի դրությամբ	ԱՄՆ դոլար	Հազար ՀՀ դրամ
<i>Ֆինանսական ակտիվներ</i>		
Առևտրային դեբիտորական պարտքեր	241,259	92,031
Ընթացիկ հաշիվներ բանկերում	-	-
	241,259	92,031

<i>Ֆինանսական պարտավորություններ</i>		
Վարկեր	60,000	22,888
Լիզինգ	200,332	76,419
Առևտրային կրեդիտորական պարտքեր	678,942	258,439
	939,274	357,746
Զուտ արդյունք	(698,015)	(265,715)
2024թ. դեկտեմբերի 31-ի դրությամբ	ԱՄՆ դոլար	Հազար ՀՀ դրամ
<i>Ֆինանսական ակտիվներ</i>		
Ընթացիկ հաշիվներ բանկերում	45,061	17,869
	45,061	17,869
<i>Ֆինանսական պարտավորություններ</i>		
Վարկեր	1,562,263	619,531
	1,562,263	619,531
Զուտ արդյունք	(1,517,201)	(601,661)

Ստորև բերված աղյուսակում ներկայացված է Ընկերության զգայունությունը՝ ԱՄՆ դոլարի նկատմամբ դրամի 10% (2024թ.՝ 10%) աճին: 10%-ը (2024թ.՝ 10%) դեկավարության կողմից գնահատված փոխարժեքի հավանական փոփոխությունն է: Զգայունության վերլուծությունը ներառում է միայն արտարժույթով արտահայտված դրամային հոդվածների մնացորդները և ժամանակաշրջանի վերջում ճշգրտում է դրանց փոխարկումը՝ փոփոխելով փոխարժեքը 10%-ով (2024թ.՝ 10%):

Դրամի արժևորումը ԱՄՆ դոլարի նկատմամբ 10%-ով (2024թ.՝ 10%) կունենա հետևյալ ազդեցությունը:

Հազար դրամ	ԱՄՆ դոլարի ազդեցություն	
	2025թ.	2024թ.
Շահույթ կամ վնաս	26,572	60,166

բ) Պարտքային ռիսկ

Պարտքային ռիսկն առաջանում է այն դեպքում, երբ պայմանագրային գործընկերը չի կատարում իր պարտավորությունները, որի հետևանքով Ընկերությունը կարող է ֆինանսական կորուստներ կրել: Ընկերության պարտքային ռիսկն առաջանում է ֆինանսական ակտիվներից՝ ներառյալ բանկերում պահվող դրամական միջոցները և դրանց համարժեքները և առևտրային և այլ դեբիտորական պարտքերը:

Պարտքային ռիսկը կառավարվում է խմբային հիմունքով՝ ելնելով Ընկերության պարտքային ռիսկի կառավարման քաղաքականությունից և ընթացակարգերից:

Ընկերությունը շարունակաբար հսկում է հաճախորդների պարտքի հատկանիշները: Եթե հնարավոր է, օգտագործվում են նաև հաճախորդների վերաբերյալ արտաքին վարկանիշներ և/կամ հաշվետվություններ: Ընկերության քաղաքականությունն է համագործակցել միայն վճարունակ գործընկերների հետ:

Պարտքային ռիսկի առավելագույն ազդեցությունը ներկայացված է հետևյալ ֆինանսական ակտիվների հաշվեկշռային արժեքներով՝

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
<i>Ֆինանսական ակտիվներ՝ հաշվեկշռային արժեքներ</i>		
Առևտրային դեբիտորական պարտքեր	1,141,336	589,909
Ընթացիկ հաշիվներ բանկերում	76,264	65,594
Ընդամենը	1,217,600	655,503

գ) Իրացվելիության ռիսկ

Իրացվելիության ռիսկն այն ռիսկն է, որ Ընկերությունն ի վիճակի չի լինի մարել իր պարտավորվածությունները:

Ընկերությունը վարում է իրացվելիության կառավարման քաղաքականություն՝ բանկային հաշիվներում պահելով բավարար միջոցներ, ինչպես նաև պահելով բարձր իրացվելիություն ունեցող ակտիվներ՝ գործառնական պարտավորությունները ժամանակին մարելու նպատակով:

Ընկերությունն իրացվելիության ռիսկի գնահատման և կառավարման ժամանակ հաշվի է առնում ֆինանսական ակտիվներից ակնկալվող դրամային հոսքերը:

Հազար դրամ	Մինչև 1 տարի	1 ից երեք տարի	3 տարուց ավել	Ընդամենը
2025թ.				
Վարկեր և փոխառություններ	695,805	692,857	1,120,305	2,508,967
Վարձակալություն	10,701	13,585	-	24,286
Առևտրային կրեդիտորական պարտքեր	1,186,528	-	-	1,186,528
Ընդամենը	1,893,034	706,442	1,120,305	3,719,781
Հազար դրամ	Մինչև 1 տարի	1 ից երեք տարի	3 տարուց ավել	Ընդամենը
2024թ.				
Վարկեր և փոխառություններ	2,265,651	1,372,520	-	3,638,171
Վարձակալություն	10,701	19,152	5,134	34,987
Առևտրային կրեդիտորական պարտքեր	183,968	-	-	183,968
Ընդամենը	2,460,320	1,391,672	5,134	3,857,126

Վերը նշված աղյուսակներում պարտավորությունները ներկայացված են ըստ մնացորդային պայմանագրային մարման ժամկետների: Ժամկետայնության աղյուսակում բացահայտված գումարները պայմանագրային չգեղջված դրամական հոսքեր են, ներառյալ վարձակալության համախառն պարտավորությունները (նախքան ապագա ֆինանսական ծախսերը նվազեցնելը): Նման չգեղջված դրամական հոսքերը տարբերվում են ֆինանսական վիճակի մասին հաշվետվությունում ներառված գումարից, քանի որ ֆինանսական վիճակի մասին հաշվետվությունը հիմնված է գեղջված դրամական հոսքերի վրա:

դ) Տոկոսադրույքի ռիսկ

Տոկոսադրույքի ռիսկը ֆինանսական գործիքի ապագա դրամական հոսքերի իրական արժեքի տատանումների ռիսկն է շուկայում տոկոսադրույքների փոփոխության հետևանքով: Տոկոսադրույքների փոփոխություններն ազդեցություն են ունենում հիմնականում ստացված վարկերի և փոխառությունների վրա՝ փոփոխելով վերջիններիս իրական արժեքը (հաստատուն տոկոսադրույքով ֆինանսական գործիքների դեպքում) և դրամական միջոցների արտահոսքերը տոկոսի վճարման գծով (փոփոխուն տոկոսադրույքով ֆինանսական գործիքների դեպքում): Թեև Ընկերությունը չունի տոկոսադրույքի ռիսկի կառավարման գծով մշակված քաղաքականություն, սակայն տոկոսադրույքների փոփոխությունների արդյունքում առաջացող ռիսկերը նվազեցնելու նպատակով Ընկերությունը վերցնում է ֆիքսված տոկոսադրույքով վարկեր և փոխառություններ:

Քանի որ, Ընկերության ստացված վարկերը ֆիքսված տոկոսադրույքով են, իսկ ստացված փոխառությունները ֆիքսված անտոկոս են, Ընկերությունը չի ենթարկվում տոկոսադրույքի ռիսկի: Ստացված վարկերի և փոխառությունների առավել մանրամասներ ներկայացված են Ծանոթագրություն 10-ում:

25. Կապիտալի ռիսկի կառավարում

Ընկերությունն իր կապիտալը կառավարում է այնպես, որպեսզի ապահովի իր անընդհատ գործելու հնարավորությունը: Ընկերության կապիտալը կազմված է սեփական կապիտալից, որը ներառում է թողարկված կապիտալը, պահուստներն ու կուտակված շահույթը:

Ղեկավարությունը գնահատում է Ընկերության կապիտալի պահանջները, որպեսզի ապահովի ընդհանուր ֆինանսավորման էֆեկտիվ կառուցվածք՝ խուսափելով չափազանց մեծ լծակավորումից (լեվերիջ): Ընկերությունը կառավարում է կապիտալի կառուցվածքը և դրանում ճշգրտումներ է կատարում՝ ելնելով տնտեսական պայմանների փոփոխություններից և համապատասխան ակտիվների հետ կապված ռիսկի բնույթից:

Ընկերության՝ որպես կապիտալ կառավարվող գումարները ստուգվող հաշվետու տարվա համար ամփոփված են ստորև.

Հազար դրամ	2025թ. դեկտեմբերի 31-ի դրությամբ	2024թ. դեկտեմբերի 31-ի դրությամբ
Ընդհանուր սեփական կապիտալ	1,310,154	1,312,495
Հանած՝ դրամական միջոցներ և դրանց համարժեքներ	(110,599)	(102,510)
Կապիտալ	1,199,555	1,209,985
Ընդհանուր սեփական կապիտալ	1,310,154	1,312,495
Փոխառու միջոցներ	2,476,206	3,473,511
Ընդհանուր ֆինանսավորում	3,786,360	4,786,006
Կապիտալի և ընդհանուր ֆինանսավորման հարաբերակցություն	0.32	0.25

26. Իրական արժեքի չափում

Ընկերությունը սկզբնական ճանաչումից հետո իրական արժեքով չափվող ակտիվները և պարտավորությունները դասակարգում է 1-ից մինչև 3-րդ մակարդակներում՝ հիմնվելով իրական արժեքի դիտարկելիության աստիճանի վրա: Այս երեք մակարդակները ներկայացված են ստորև.

- 1-ին մակարդակ՝ իրական արժեքները ստացվում են նմանատիպ ակտիվների կամ պարտավորությունների ակտիվ շուկաներում գնանշվող գներից (չճշգրտված),
- 2-րդ մակարդակ՝ իրական արժեքները ստացվում են 1-ին մակարդակում ներառված գնանշվող գներից տարբեր այլ ելակետային տվյալներից, որոնք ակտիվի կամ պարտավորության գծով դիտարկվում են կամ ուղղակիորեն (այսինքն՝ որպես գներ), կամ անուղղակիորեն (այսինքն՝ գների հիման վրա ստացվող),
- 3-րդ մակարդակ՝ իրական արժեքները ստացվում են գնահատման հնարքների միջոցով, որոնք ներառում են ակտիվի կամ պարտավորության գծով ելակետային տվյալներ, որոնք հիմնված չեն դիտարկվող շուկայական տվյալների վրա (ոչ դիտարկելի ելակետային տվյալներ):

26.1 Ֆինանսական գործիքների իրական արժեքի չափում

Ամորտիզացված արժեքով չափվող ֆինանսական գործիքներ, որոնց համար բացահայտված է իրական արժեքը

Ֆինանսական վիճակի մասին հաշվետվությունում ֆինանսական ակտիվների և պարտավորությունների իրական արժեքները գրեթե հավասար են դրանց հաշվեկշռային արժեքներին:

Իրական արժեքը որոշվել է՝ զեղչելով համապատասխան դրամական միջոցների հոսքերը՝ օգտագործելով նմանատիպ գործիքների համար շուկայական տոկոսադրույքը: Այս դեպքում ամենագլխի փոփոխականը զեղչման տոկոսադրույքն է: Վերը նշված ֆինանսական ակտիվների և ֆինանսական պարտավորությունների գնահատված իրական արժեքները դասակարգվում են իրական արժեքի հիերարխիայի 3-րդ մակարդակում:

26.2 Ոչ ֆինանսական ակտիվների իրական արժեքի չափում

Ընկերության հողամասերը, շենք-շինությունները հաշվառվում են վերագնահատված արժեքով: Գնահատված իրական արժեքները դասակարգվում են իրական արժեքի հիերարխիայի 2-րդ և 3-րդ մակարդակներում, որոնք գնահատվում են՝ հիմք ընդունելով անկախ, մասնագիտական որակավորում ունեցող գնահատողների գնահատականները:

27. Կապակցված կողմեր

Ընկերության կապակցված կողմերը ներառում են՝ բաժնետերերը և հիմնական ղեկավար անձնակազմը և նրանց հետ կապակցված անձինք:

Հսկողություն

2025թ. ընթացքում տեղի է ունեցել Ընկերության բաժնետոմսերի փոխանցում, որի արդյունքում Արսեն Արսենյանը դադարել է հանդիսանալ Ընկերության բաժնետեր, իսկ նրա բաժնեմասը ձեռք է բերել Արտուր Մանվելյանը:

2025թ. դեկտեմբերի 31-ի դրությամբ Ընկերության բաժնետերերն են Կարո Շահբաղյանը՝ 33.793103% մասնակցությամբ, և Արտուր Մանվելյանը՝ 66.206897% մասնակցությամբ: Արդյունքում Արտուր Մանվելյանը հանդիսանում է Ընկերության վերահսկող բաժնետերեր:

Ղեկավարության գնահատմամբ՝ 2025թ. դեկտեմբերի 31-ի դրությամբ Ընկերության վերջնական վերահսկող անձը Արտուր Մանվելյանն է:

Ընկերությունն իր գործունեության ընթացքում իրականացնում է գործարքներ կապակցված կողմերի հետ: Կապակցված կողմերի հետ իրականացված գործարքների և չմարված մնացորդների մանրամասները հետևյալն են.

ա) Բաժնետերերի հետ կատարված գործարքներ

Հազար ՀՀ դրամ	Գործարքի գումարը դեկտեմբերի 31-ին ավարտված տարվա համար		Վճարման ենթակա մնացորդը առ 31 դեկտեմբերի	
	2025թ.	2024թ.	2025թ.	2024թ.
Ստացված փոխառություններ	75,000	150,000	240,000	803,139
Աշխատակիցների հատուցումներ	93,576	107,504	2,919	3,481

Բանկային վարկերի ապահովման նպատակով Ընկերության բաժնետերերը տրամադրել են անձնական երաշխավորություններ, ինչպես նաև գրավադրվել են Ընկերության բաժնետոմսերը: Նշված երաշխավորությունների դիմաց հաշվետու և նախորդ տարիներին հատուցում չի վճարվել:

Կապակցված կողմերից ստացված փոխառությունների մնացորդները Ծնթ. 27-ում ներկայացված են պայմանագրային անվանական արժեքով: Նույն փոխառությունների ամորտիզացված արժեքով հաշվեկշռային արժեքը ներկայացված է Ծանոթագրություն 10-ում:

28. Պայմանականություններ

28.1 Հարկեր

Հայաստանի Հանրապետության հարկային համակարգը համեմատաբար նոր է՝ հաճախակի փոփոխվող օրենսդրությամբ, որը հաճախ մեկնաբանություններ է պահանջում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն օրենքով լիազորված են տուգանքներ և տույժեր առաջադրել:

Վերոհիշյալ հանգամանքները Հայաստանում կարող են առաջացնել ավելի մեծ հարկային ռիսկեր, քան այլ երկրներում: Ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ հարկային օրենսդրության իրենց մեկնաբանության հիման վրա: Այնուամենայնիվ, հարկային մարմինների մեկնաբանությունները կարող են տարբերվել, և դրանց ազդեցությունը կարող է զգալի լինել:

28.2 Ապահովագրություն

Հայաստանում ապահովագրական համակարգը զարգացման փուլում է և ապահովագրության շատ տեսակներ, որոնք լայնորեն տարածված են մյուս երկրներում, Հայաստանում դեռ չեն կիրառվում: Ընկերությունը չունի ամբողջական ապահովագրական ծածկույթ իր ակտիվների և գործունեության ընդհատման համար, չունի նաև Ընկերության գույքի կամ գործառնությունների հետ կապված պատահարների հետևանքով գույքին կամ շրջակա միջավայրին հասցված վնասի գծով երրորդ կողմի նկատմամբ պարտավորությունների ապահովագրություն: Քանի դեռ Ընկերությունը համապատասխան ձևով ապահովագրված չէ, գոյություն ունի ռիսկ, որ որոշակի ակտիվների կորուստը կամ ոչնչացումը կարող է անբարենպաստ նյութական ազդեցություն ունենալ Ընկերության գործունեության և ֆինանսական վիճակի վրա:

28.3 Շրջակա միջավայրի հետ կապված խնդիրներ

Ղեկավարության համոզմամբ՝ Ընկերությունը բավարարում է շրջակա միջավայրի հետ կապված Կառավարության պահանջները և վստահ է, որ Ընկերությունը շրջակա միջավայրի հետ կապված ընթացիկ էական պարտավորություններ չունի: Այնուամենայնիվ, Հայաստանում շրջակա միջավայրի վերաբերյալ օրենսդրությունը զարգացման փուլում է, և դրա հավանական փոփոխություններն ու օրենսդրության մեկնաբանությունները ապագայում կարող են էական պարտավորություններ առաջացնել:

28.4 Դատական գործեր

Պետական մարմինների և տնտեսավարող սուբյեկտների կողմից ընդդեմ Ընկերության չեն ներկայացվել այնպիսի հայցադիմումներ, որոնք կարող են էական սպառնալիք հանդիսանալ վերջինիս նորմալ գործունեության համար:

28.5 Պայմանական պարտավորություններ

Ընկերությունը հաշվետու ամսաթվի դրությամբ չունի այլ անձանց տրամադրած երաշխավորություններ, երաշխիքներ և այլ պայմանական պարտավորություններ:

29. Հաշվետու ժամանակաշրջանից հետո տեղի ունեցող դեպքեր

Հաշվետու ամսաթվից հետո մինչև վավերացման ամսաթիվը ընկած ժամանակահատվածում ճշգրտող դեպքեր տեղի չեն ունեցել:

Հաշվետու ամսաթվից հետո՝ 2026թ. փետրվարի 28-ից, սկսվել է ԱՄՆ-ի և Իսրայելի ռազմական գործողություններով պայմանավորված զինված հակամարտություն Իրանի դեմ, որն ուղեկցվում է տարածաշրջանային լարվածության էական աճով: Հայաստանի Հանրապետությունը սահմանակից է Իրանին, ուստի ստեղծված իրավիճակը կարող է բացասաբար ազդել տնտեսական միջավայրի և շուկաների վրա՝ պայմանավորելով անկայունություն, սահմանափակումներ և խափանումներ միջազգային փոխադրումների, մատակարարումների, գնագոյացման և ֆինանսական շուկաների ոլորտներում: Ղեկավարությունը գնահատում է, որ տվյալ իրադարձությունը 2025թ. դեկտեմբերի 31-ի դրությամբ կազմված ֆինանսական հաշվետվությունների համար հանդիսանում է չճշգրտող դեպք, իսկ հնարավոր ազդեցության չափը հաշվետվությունների թողարկման պահին վստահելի կերպով քանակապես գնահատել հնարավոր չէ՝ իրադարձությունների շարունակականության և բարձր անորոշության պատճառով: